



შირაკი

SHIRAKI

www.open.ge

გამოცემის 1937 წლიდან

დედოფლისწყაროს მუნიციპალიტეტის გაზეთი

№38 (9.603)

5-12 ოქტომბერი 2013 წელი

ფასი: 50 თეთრი

ყოველკვირეული გამოცემა

ბაღი-თვრამეტწლიანი პაუზის შემდეგ



18 წლიანი პაუზის შემდეგ დედოფლისწყაროს რაიონის საზღვრისპირა სოფელ ფიროსმანში, სადაც ძირითადად აჭარიდან ჩასახლებული ეკომიგრანტები ცხოვრობენ, საბავშვო ბაღი გაიხსნა. ცერემონია 1 ოქტომბერს გაიმართა და წითელი ლენტის ადგილობრივ მოზარდებთან ერთად დედოფლისწყაროს მუნიციპალიტეტის გამგებელმა ირაკლი შიოლაშვილმა გაჭრა.

ორსართულიანი შენობა, რომელიც სოფლის ცენტრში, საჯარო სკოლის გვერდით მდებარეობს, თანამედროვე სტანდარტებითაა მოწყობილი და უახლესი ინვენტარით აღჭურვილი. როგორც სოფელ ფიროსმანის საბავშვო ბაღის დირექტორმა მაკა აკოფაშვილმა გაზეთ „შირაქს“ განუცხადა, ამ დროისთვის ბაღში 28 ბავშვია რეგისტრირებული, თუმცა ამ რიცხვის ზრდა მოსალოდნელია.

საბავშვო ბაღის ეზო და მიმდებარე ტერიტორია სავსე იყო ადგილობრივებით, ბავშვებს მოზარდებიც მრავლად ახლდნენ, ჩანდა, რომ სოფელი ერთიანად გამოცოცხლდა. იყო ბევრი ღიმილი და დიდი ჟრია-მული.

სკოლამდელი აღზრდის ცენტრის ხელმძღვანელი მაია ყოჩიაშვილი ამბობს, რომ ადგილობრივები სოფელში საბავშვო-ბაღის ფუნქციონირებას იმდენად გადაეჭვივებენ, იმასაც ვერ იხსენებენ, როდის დაიხურა სოფელში ბაღი.

გაზეთ „შირაქთან“ საუბარში ადგილობრივები კმაყოფილებას ვერ ფარავენ და აღნიშნავენ, რომ მათი დიდი ხნის სურვილი ახდა, რაც ადგილობრივების საყოფაცხოვრებო პირობებს ბევრად გააუმჯობესებს. ბავშვებიც დისციპლინას მიეჩვენებიან, რაც მათი განვითარებისთვის მნიშვნელოვანია.

საბავშვო ბაღისთვის განკუთვნილი ეს შენობა მუნიციპალიტეტმა კერძო მოსახლისგან შეიძინა, სარემონტო სამუშაოების ნაწილი გასულ წელს განხორციელდა, ნაწილი კი წელს დასრულდა. ახალი ინვენტარიც სულ ახლახან შევიდა.

საზღვრისპირა სოფლის გაძლიერება და მოსახლეობის ადგილზე დამაგრება უფრო დიდ მნიშვნელობას იძენს, რადგან ისინი საზღვარს ამაგრებენ. მით უფრო, რომ მიგრაციის პრობლემა ჩვენს ქვეყანაში

ჯერ კიდევ მწვავედ დგას, ამ სოფლების დაცლამ კი, შესაძლოა, სავალალო შედეგებამდე მიგვიყვანოს. ხშირად სწორედ საგანმანათლებლო დაწესებულებების არარსებობა ხდება ახალი თაობის სოფლიდან გადინების ძირითადი მიზეზი.

ლონისძიებსა მოსახლეობასთან ერთად ესწრებოდნენ დედოფლისწყაროს გამგებების კულტურის, განათლების, სპორტის, ძეგლთა დაცვისა და ახალგაზრდულ საქმეთა სამსახურის უფროსი თამარ თამაზაშვილი, სკოლამდელი და სკოლის გარეშე სააღმზრდელო ცენტრის დერექტორი მაია ყოჩიაშვილი და სოფელ ფიროსმანის რწმუნებული ვალიკო აბაშიძე.

პ რ ე ზ ე ნ ტ ა ც ი ი ს დასრულების შემდეგ, ადგილობრივმა მოსახლეობამ გამგებლის სოფელში სტუმრობით ისარგებლა და სხვა პრობლემებზეც გაამახვილა ყურადღება. ფი-

როსმანელმა ეკომიგრანტებმა ირაკლი შიოლაშვილს სათბობი შემოთავაზებდა დახმარება სთხოვეს. ცნობილია, რომ ამ ზონაში ტყე-კაფის არარსებობის გამო, მოსახლეობის შემოთავაზებული პრობლემა რჩება. იმის გამო, რომ სოფლები რაიონულ ცენტრს მკვეთრად მოწყვეტილია, ამ ზონის გაზიფიცირებაც ვერ მოხერხდა, ამიტომ ზამთრის სეზონზე მათი შემოთავაზების საკითხი აქილევსის ქუსლად რჩება. ადგილობრივებს შემის შეძენა თელავსა და გურჯაანში უხდებათ, რაც მის ისედაც მაღალ ფასს კიდევ უფრო ზრდის. როგორც შეხვედრაზე მოსახლეობამ აღნიშნა, კიდევ ერთ მთავარ პრობლემად შემის სოფლამდე ტრანსპორტირება რჩება.

როგორც გამგებელმა მოსახლეობას აუხსნა, თვითმმართველობა აქტიურად მუშაობს იმაზე, რომ მოხერხდეს რაიონული ცენტრიდან ბუნებრივი აირის მაგისტრალის გაყვანა ქედების ზონისა და საზღვრისპირა სოფლების მიმართულებით. ეს კი ადგილო-

ბრივი ხელისუფლებისთვის ერთ-ერთ მნიშვნელოვან საკითხად განიხილება. ამასთან, კომპანია „სოკარი“ გზებს ეძებს, როგორ შეიძლება ნაკლები დანახარჯით მოხერხდეს ამ სოფლების გაზიფიცირება. პროცესის დაჩქარებას კი შორი მანძილი ართულებს, რაც საჭირო დაფინანსებას ზრდის.

ამას გარდა, გზის პრობლემაც მნიშვნელოვან საკითხად რჩება საზღვრისპირა სოფლებისა და ქედების ზონის მაცხოვრებელთათვის. დაახლოებით საათი და 40 წუთი დაგვირდა, ვიდრე სოფელ ფიროსმანში ჩავიდოდით. ხშირად ვხვდებით, დედაქალაქში უფრო ადვილად და სწრაფად ჩავალ, ვიდრე ამ სოფლებში-მეთქი. თუმცა ცნობილია, რომ წელს ამ პრობლემის გადაჭრაც დაიწყო და ეტაპობრივად საგზაო ინფრასტრუქტურა მნიშვნელოვნად გაუმჯობესდება. მით უფრო, რომ გზის პარალელურად საკმაოდ ხარისხიანი სანიაღვრე სისტემა მონტაჟდება.

ილია მარტყოფლიშვილი



„ჯიჰადის“ ვიდეოს ავტორი გამოვლენილია

JIHAD against Georgian CRUSADERS

გვ. 3

ეკლიანი მხანარაების ქვე დაფარული ისტორია

გვ. 5

ე უ რ ა დ ე ბ ა !

საქართველოს საარჩევნო კოდექსის მუხლი 50. 2-4-ით განსაზღვრული მოთხოვნების შესაბამისად, წინასაარჩევნო კამპანიის ფარგლებში, გაზეთი „შირაქი“ ყველა საარჩევნო სუბიექტს დაუთმობს საგაზეთო ფართს პოლიტიკური რეკლამისათვის. 27 ოქტომბრამდე გაზეთი „შირაქი“ ყოველკვირეულად, თითოეულ ნომერში საპრეზიდენტო არჩევნებში მონაწილე საარჩევნო პარტიებსა და კანდიდატებს გაზეთის ფართს დაუთმობს, რომელიც განკუთვნილი იქნება ფასიანი პოლიტიკური რეკლამისთვის და თანაბრად გადანაწილდება ყველა საარჩევნო სუბიექტზე. ფასიანი პოლიტიკური რეკლამისთვის გამოყოფილი გაზეთის ერთი გვერდის ფასი კი 150 ლარით განისაზღვრება.

ყველაზე სანდო წყარო დედოფლისწყაროში მიმდინარე მოვლანების შესახებ!

- ახალი ინფორმაცია
- საბარტლებრივი აქტუა
- აუქსიონი
- ტენდერი - ყველაფერი
- მხოლოდ ჩვენთან!

ის, რასაც სხვებთან ვერ ნაიპოთხავთ!

www.dedoplistskaro.ge

პრემიერის კანდიდატებს რიგითი ნომრები მიენიჭათ

საქართველოს პრემიერის 2013 წლის 27 ოქტომბრის არჩევნებში მონაწილე კანდიდატების რიგითი ნომრები ნილისყრით განისაზღვრა. ცენტრალური საარჩევნო კომისიის ინფორმაციით რამდენიმე პრემიერის კანდიდატმა პირადად მიიღო ნილისყრაში მონაწილეობა და საკუთარი რიგითი ნომერი თავადვე გამოავლინა.

რიგითი ნომრების განსაზღვრის პროცესში მონაწილეობა არ მიუღიათ „ნაციონალური მოძრაობის“, „ქართული ოცნება - დემოკრატიული საქართველოს“ და „ქრისტიან-დემოკრატიული მოძრაობის“ კანდიდატებს.

ცესკოს ინფორმაციით, მათ ისარგებლეს კანონით მინიჭებული უფლებებით და საარჩევნო კოდექსის შესაბამისად, 2012 წლის საქართველოს პარლამენტის არჩევნებისას საუკეთესო შედეგის მქონე მათი წარმდგენი პოლიტიკური პარტიების რიგითი ნომრები შეინარჩუნეს. შესაბამისად, დავით ბაქრაძის საარჩევნო ნომერი 5, გიორგი მარგველაშვილის 41, გიორგი თარგამაძის კი - 10 იქნება.

რაც შეეხება დანარჩენ კანდიდატებს, რიგითი ნომრები შემდეგნაირად განისაზღვრა - მიხეილ სალუაშვილი — 16, შალვა ნათელაშვილი — 9, ნესტან კირთაძე — 12, გიორგი ლილუაშვილი — 2, სერგო ჯავახიძე — 3, ნინო ბურჯანაძე — 14, ლევან ჩაჩუა — 11, ავთანდილ მარგანი — 19, გიორგი თარგამაძე — 10, კობა დავითაშვილი — 4, ნუგზარ ავალიანი — 20, ზურაბ ხარატიშვილი — 15, თეიმურაზ მუჯაია — 22, გიორგი ჩხლაძე — 13, თეიმურაზ ბობოხიძე — 8, აკაკი ასათიანი — 6, ნინო ჭანიშვილი — 7, ქართლოს ღარიბაშვილი — 17, მამუკა ჭოხონელიძე — 18, თამაზ ბიბილური — 1, მამუკა მელიქიშვილი — 21.

სასჯელალსრულების მინისტრი აშშ-ს ელჩს შეხვდა

სასჯელალსრულების, პრობაციისა და იურიდიული დახმარების საქმეთა მინისტრი სოზარ სუბარი ამერიკის შეერთებული შტატების ელჩს საქართველოში, რიჩარდ ნორლანდს შეხვდა.

სამინისტროს ცნობით, შეხვედრა სასჯელალსრულების სამინისტროში გაიმართა. შეხვედრას ამერიკის შეერთებული შტატების ელჩი საქართველოში რიჩარდ ნორლანდი, სამინისტროს მხრიდან კი მინისტრი სოზარ სუბარი, მინისტრის მოადგილე სოფიო ჯაფარიძე და საგარეო ურთიერთობათა დეპარტამენტის უფროსი ანა გუცაევი ესწრებოდნენ.

მინისტრმა ელჩს ბოლოდროინდელ მოვლენებთან დაკავშირებით ინფორმაცია მიაწოდა და სამინისტროში მიმდინარე რეფორმებზე ესაუბრა. შეხვედრაზე საუბარი შეეხო ამერიკის შეერთებული შტატების მთავრობასა და საქართველოს მთავრობას შორის ნარკოტიკების კონტროლისა და კანონიერების განმტკიცების შეთანხმებისა და სასჯელალსრულების სექტორის განვითარების ორნაწიანი პროექტის ფარგლებში დაგეგმილ ღონისძიებებს. მხარეებმა დეტალურად განიხილეს აღნიშნული პროგრამის სამომავლო თანამშრომლობის პერსპექტივები.

საპრემიერო არჩევნებთან დაკავშირებით პარლამენტი მუშაობას ერთი თვით წყვეტს

4 სექტემბერს საკანონმდებლო ორგანოში ბოლო სხდომა გაიმართა.

საპრემიერო არჩევნებთან დაკავშირებით დეპუტატები მუშაობას ერთი თვით წყვეტენ.

როგორც „მედიანიუსს“ პარლამენტის საზოგადოებასთან ურთიერთობის სამსახურის ხელმძღვანელმა ნიკო ნერგაძემ განუცხადა, მოქმედი კანონმდებლობით, საკანონმდებლო ორგანო საპრემიერო არჩევნებამდე მუშაობას ერთი თვით ადრე წყვეტს. დეპუტატები დღიდან საარჩევნო კამპანიაში ჩაერთვებიან.

საპარლამენტო უმცირესობისა და უმრავლესობის წევრები საარჩევნო შტაბში განაგრძობენ საქმიანობას. ისინი ამომრჩევლებს საპრემიერო კანდიდატთან ერთად გაცნობენ საპრემიერო პროგრამას.

ცნობისთვის: საპრემიერო არჩევნები საქართველოში 27 ოქტომბერს გაიმართება.

პარლამენტი „პოლიციის შესახებ“ კანონპროექტი მიიღო

პარლამენტი მესამე მოსმენით, „პოლიციის შესახებ“ კანონპროექტი მიიღო. შინაგან საქმეთა სამინისტროს საკანონმდებლო ინიციატივა დღევანდელ პლენარულ სხდომაზე 88-ხმით, 8-ის წინააღმდეგ გავიდა.

პარლამენტის თავმჯდომარემ კანონპროექტზე განეულები მუშაობის გამო შსს-ს, იურიდიულ საკითხთა კომიტეტს და არასამთავრობო ორგანიზაციებს მადლობა გადაუხადა. დავით უსუფაშვილმა აღნიშნა, რომ მათ ამ საკითხზე მუშაობას ბევრი დღე და ღამე დაუთმეს და იმედი გამოთქვა, რომ აღნიშნული კანონის მიღება პოლიციის მუშაობას გააუმჯობესებს.

პარლამენტის მიერ დამტკიცებული კანონპროექტი განსაზღვრავს პოლიციის საქმიანობის ძირითად პრინციპებს, პოლიციის ორგანიზაციული მოწყობის სამართლებრივ საფუძვლებს, პოლიციის ფუნქციებს, პოლიციურ ღონისძიებებს და უფლებამოსილების განხორციელების სამართლებრივ ფორმებს, პოლიციაში სამსახურის გავლის წესს, სამართლებრივი და სოციალური დაცვის გარანტიებს, პოლიციის საქმიანობის კონტროლს.

პარლამენტი პრემიერ-მინისტრის უფლებამოსილების შემცირებასთან დაკავშირებული საკონსტიტუციო ინიციატივა დაამტკიცა

103 ხმით, ერთხმად - პარლამენტი მესამე მოსმენით პრემიერ-მინისტრის უფლებამოსილების შემცირებასთან დაკავშირებული საკონსტიტუციო ინიციატივა დაამტკიცა. საკითხს უმცირესობამაც დაუჭირა მხარი.

დღეს, პარლამენტი საბოლოო მოსმენით ის საკანონსტიტუციო ინიციატივა მიიღო, რომელიც საპრემიერო არჩევნების შემდეგ ასამოქმედებელი რიგი კონსტიტუციური ნორმების შეცვლას ითვალისწინებს. კერძოდ, მიღებული პროექტით, პრემიერ-მინისტრს ის უფლებამოსილება ერთმევა, რომელიც მას შესაძლებლობას აძლევს პარლამენტის მიერ კანონპროექტის მიღება მთავრობის ნდობის საკითხს „მიახას“. ამასთან, ამავე ცვლილებების გათვალისწინებით, პარლამენტის მიერ ახალი საბიუჯეტო წლის დაწყებიდან ორი თვის განმავლობაში სახელმწიფო ბიუჯეტის მიუღებლობა, მთავრობისთვის უნდობლობის გამოცხადებად ჩაითვლება და შესაბამისი პროცედურები ამოქმედდება.

აღნიშნული საკონსტიტუციო პროექტი პარლამენტის მიერ მთავრობის შემადგენლობაში ცვლილებების შეტანაზე კონტროლსაც ეხება. კერძოდ, პროექტის გათვალისწინებით, კონსტიტუციაში რჩება პრემიერის ვალდებულება, მთავრობის თავდაპირველი შემადგენლობის ერთი მესამედით, მაგრამ არანაკლებ მთავრობის ხუთი წევრით განახლების შემთხვევაში, პარლამენტს ნდობის მისაღებად მთავრობის შემადგენლობა წარუდგინოს. ეს ის ნორმაა, რომელიც კონსტიტუციაში ოქტომბრის საპრემიერო არჩევნების შემდეგ აღარ იარსებებდა.

კენჭისყრის ბოლოს, პოზიცია დააფიქსირა პარლამენტის თავმჯდომარემ დავით უსუფაშვილმა. მან განაცხადა, რომ კონსტიტუციაში მნიშვნელოვანი ცვლილებები შევიდა, თუმცა, არანაკლებად მნიშვნელოვანი საკითხები ჯერ წინ არის.

იტალიაში გლოვის დღე გამოცხადდა

იტალიაში, კუნძულ ლამპედუსასთან აფრიკელი მიგრანტების დაღუპვის გამო გლოვის დღე გამოცხადდა. ჩაძირულ აფრიკელი არალეგალების გემზე 500 ადამიანი იმყოფებოდა. მათ შორის ბავშვები და ქალები. ამ დროისათვის არსებული ინფორმაციით, გემის ჩაძირვას 130 ადამიანი ემსხვერპლა, 200 ადამიანი კი დაკარგულად ითვლება. მათი ძებნა კვლავ მიმდინარეობს.

მაშველებმა 150 მეტი ადამიანის წყლიდან ამოყვანა და გადარჩენა შეძლეს.

იტალიის შინაგან საქმეთა მინისტრის ანჯელინო ალფანოს განცხადებით, გემის 35 წლის ტუნისელი კაპიტანი დაკავებულია. მისი თქმით, იტალიიდან ტუნისელი კაპიტნის დეპორტირება აპრილში მოხდა.

„ეს არა მხოლოდ იტალიის, არამედ ევროპის ტრაგედია“, - განაცხადა ანჯელინო ალფანომ.

სასჯელალსრულების სამინისტრო განცხადებას ავრცელებს

ბაჩო ახალაიას საკანში გადაღებულ ვიდეომასალასთან დაკავშირებით, სასჯელალსრულების სამინისტრო განცხადებას ავრცელებს. განცხადებაში ნათქვამია, რომ ბრალდებულ ბაჩო ახალაიაზე ელექტრონული მეთვალყურეობა, სასჯელალსრულების დეპარტამენტის თავმჯდომარის 2012 წლის 13 ნოემბრის ბრძანების საფუძველზე მიმდინარეობდა.

სასჯელალსრულების სამინისტროს ინფორმაციით, აღნიშნულის თაობაზე შედგა სათანადო ოქმი, რომელსაც ხელს აწერს ბრალდებული, რაც იმას ნიშნავს, რომ მის მიმართ ელექტრონული მეთვალყურეობის განხორციელების შესახებ იგი ინფორმირებული იყო და თანხმობა დადასტურებულია მისი ხელმოწერით.

როგორც სამინისტროში განმარტავენ, 2012 წლის 14 ნოემბერს, სასჯელალსრულების, პრობაციისა და იურიდიული დახმარების საკითხთა მინისტრმა, სოზარ სუბარმა საჯაროდ განაცხადა, რომ ბრალდებულ ახალაიას უსაფრთხოების უზრუნველყოფის მიზნით, საკანში დამონტაჟებული იყო ვიდეოკამერა და ბრალდებული ამის შესახებ ინფორმირებული იყო. ასევე, ამავე პერიოდში, ახალაიას საშუალება ჰქონდა, მხახველებს სპეციალურად გამოყოფილ სივრცეში შეხვედროდა, სადაც ელექტრონული მეთვალყურეობა შემოიფარგლებოდა მხოლოდ ვიზუალური კონტროლით.

როგორც სამინისტროში აცხადებენ, პატიმრობის კოდექსის მე-9 მუხლის მე-3 ნაწილის მიხედვით, პატიმრობის დაწესებულებაში ბრალდებულები განთავსებული არიან სპეციალურ საკნებში, სადაც მათი ან სხვა პირების უსაფრთხოების ინტერესებიდან გამომდინარე და დაწესებულების დებულების მოთხოვნათა დაცვის მიზნით, შესაძლებელია განხორციელდეს ვიზუალური და ელექტრონული მეთვალყურეობა. ამავე კოდექსის 54-ე მუხლის პირველი ნაწილის მიხედვით, ადმინისტრაციის უფლება აქვს, საქართველოს კანონმდებლობით დადგენილი წესით გამოიყენოს აუდიო, ვიზუალური, ელექტრონული ან კონტროლის სხვა ტექნიკური საშუალებები დაწესებულებიდან გაქცევის, სხვა დანაშაულისა და სამართალდარღვევათა თავიდან აცილებისა და ბრალდებულთა ან მსჯავრდებულთა ყოფაქცევის შესახებ აუცილებელი ინფორმაციის მიღების მიზნით.

სასჯელალსრულების სამინისტროში აცხადებენ, რომ პატიმრობის დაწესებულებაში ბრალდებულთა ელექტრონული მეთვალყურეობა არის კანონიერი. რაც შეეხება ვიდეოჩანაწერის გავრცელებას, სათანადო რეაგირებისათვის მასალები გადაეზღვევა პროკურატურას.

შეგახსენებთ, რომ დღეს ბაჩო ახალაიას საკანში გადაღებული ვიდეომასალა გავრცელდა. კადრებში ჩანს, რომ სხვადასხვა დროს ბაჩო ახალაია საკანში მოინახულეს და გამოკითხეს სასჯელალსრულების დაწესებულების საზოგადოებრივი მონიტორინგის ჯგუფის წევრებმა გელა მთივლიშვილმა, ნინო ზურიაშვილმა და ზურაბ ვარდიანიშვილმა.

გადაღებულია ასევე ახალაიას და „ნაციონალური მოძრაობიდან“ პარლამენტის წევრის აკაკი მინაშვილის შეხვედრები. მინაშვილი ციხეში პარლამენტის თავმჯდომარის დავით უსუფაშვილის სპეციალური ბრძანების საფუძველზე შედიოდა.

აღნიშნული ვიდეომასალა კახეთის საინფორმაციო ცენტრმა გაავრცელა.

აღნიშნულ კადრებთან დაკავშირებით, ფაცებოოკ-ის საკუთარ გვერდზე უჩა ნანუაშვილს უკვე მიმართა ახალაიას მუულები, ანი ნადარეიშვილი. სახალხო დამცველის აპარატში კი აცხადებენ, რომ ნანუაშვილი თბილისში არ იმყოფება და კომენტარს მას შემდეგ გააკეთებს, რაც აღნიშნულ კადრებს გაეცნობა.

ამ საკითხთან დაკავშირებით კომენტარი გააკეთა სასჯელალსრულების მინისტრის მოადგილემ, გიგა გიორგაძემაც. მისი განცხადებით, ბაჩო ახალაიას საკანში ჩანერილი აუდიო-ვიდეო მასალა საიდუმლო ინფორმაციას წარმოადგენს და მისი გარეთ გამოტანა დაუშვებელი იყო. ამიტომ, როგორც გიგა გიორგაძე ამბობს, მიმდინარეობს გამოძიება და დამნაშავის ვინაობას გამოძიება დაადგენს.

მათულებლართები - ბერლინის კედლის ასოციაცია

საკუპაციო ხაზთან გაბმული მათულებლართები ბერლინის კედელს მაგონებს, - ამის შესახებ განცხადება ამერიკის ელჩმა საქართველოში, რიჩარდ ნორლანდმა სოფელ ხურვალეთში დიპლომატებისა და საგარეო საქმეთა სამინისტროს წარმომადგენლების სტუმრობისას განაცხადა.

„ვითარება, რასაც ჩვენ ვხედავთ, ტრაგიკულია. მე ეს მაგონებს ბერლინის კედელს, როდესაც ხელოვნურად აღმართული ბარიერებით ხდება ხელის შეშლა, ადამიანები ვერ ახერხებენ თავის მიზნებებზე და წინაპრების საფლავებზე გასვლას“, - აცხადებს რიჩარდ ნორლანდი.

ნორლანდი ასევე აღნიშნავს, რომ ვიზიტის მიზანი ის იყო, რომ დიპლომატებს მისცემოდათ შესაძლებლობა, ადგილზე პირადად გაცნობოდნენ და ენახათ, თუ რა ვითარებაა შექმნილი ადმინისტრაციულ საზღვარზე.

„ჯიჰადის“ პიდეოს ავტორი გამოვლენილია

შინაგან საქმეთა სამინისტრომ, ე.წ. „ჯიჰადის“ სახელით ვიდეოს გავრცელებისთვის ბრალი ყირგიზეთის მოქალაქეს სამარ ჩოკუტაევს დასდო, რომელიც სოხუმში მობილური კავშირგაბმულობის ერთ-ერთ კომპანიაში მუშაობს. მსს—ს პრესპიკერის ნინო გიორგობიანის განცხადებით, ბრალდებულის მიმართ დაწყებულია სისხლის-სამართლებრივი დევნა საქართველოს სისხლის სამართლის კოდექსის 330-ე პრიმა მუხლით.

როგორც შინაგან საქმეთა სამინისტროს მიერ გავრცელებულ განცხადებაშია აღნიშნული, მალალი საზოგადოებრივი ინტერესიდან გამომდინარე, მიღებულია გადაწყვეტილება გარკვეული ინფორმაციის გასაჯაროების შესახებ, თუმცა, დანაშაულის ხასიათიდან და მისი გამოძიების სპეციფიკიდან გამომდინარე, საგამოძიებო უწყების მიერ გავრცელებული ინფორმაცია, გარკვეულწილად, ლიმიტირებული იქნება.

მსს—ს ინფორმაციით, სამინისტროს თანამშრომლების მიერ ჩატარებული ინტენსიური საგამოძიებო და ოპერატიული-ტექნიკური ღონისძიებების შედეგად დადგენილია დანაშაულის ჩამდენი პირი - 1989 წლის 6 მარტს დაბადებული ყირგიზეთის მოქალაქე სამარ ჩოკუტაევი, რომელიც სოხუმში მობილური კავშირგაბმულობის ერთ-ერთ კომპანიაში მუშაობს.

„სამარ ჩოკუტაევს ბრალი დაედო „საქვეყნოდ ინფორმაციის გავრცელებაში ტერორისტული აქტის ჩადენისაკენ მოწოდების მიზ-

ნით, რაც წარმოშობს ასეთი დანაშაულის ჩადენის საფრთხეს“. საქმეზე შეკრებილ მტკიცებულებათა ერთობლიობით უდავოდ დადგენილია, რომ ბრალდებული სამარ ჩოკუტაევი არის მალალი კვალიფიკაციის IT სპეციალისტი და დანაშაული მან საქართველოს არაკონტროლირებად ტერიტორიაზე ჩაიდინა, კერძოდ:

2013 წლის 4 ივნისს ბრალდებულმა სამარ ჩოკუტაევმა ინტერნეტ სივრცეში მომხმარებელ Hammad Zaman-ის სახელით განათავსა ვიდეორგოლი **TALIBAN JIHAD AGAINST GEORGIAN TROOPS IN AFGHANISTAN**, რომელიც შეიცავს ავლანეთში მყოფი საქართველოს შეიარაღებული ძალების და საქართველოს პრეზიდენტის მიმართ მუქარას. — აღნიშნულია შინაგან საქმეთა სამინისტროს მიერ გავრცელებულ განცხადებაში.

გამოძიების ინფორმაციით, უშუალოდ ვიდეორგოლის, აგრეთვე, ბრალდებულის მიერ დანაშაულის ჩადენისას გამოყენებული ტექნოლოგიის დეტალური შესწავლისა და სათანადო ექსპერტიზის ჩატარების შედეგად დადგინდა:


პირველი: ვიდეომასალა, რომელიც გამოყენებულია მუქარის შემცველი ვიდეორგოლის შესაქმნელად, მოპოვებულია თავისუფალი წვდომის ინტერნეტ სივრცეში, რგოლი შექმნილია ამ ვიდეომასალის დამონტაჟების შედეგად და მის დასამზადებლად ავტორს არ დასჭირვებია რომელიმე ქართული ტელეკომპანიის ვიდეორეჟისორის უშუალო, ანუ ფიზიკური წვ-

დომა.

მეორე: დანაშაული ჩადენილია აფხაზეთის ოკუპირებული ტერიტორიიდან. კვალის დაფარვის მიზნით, სამარ ჩოკუტაევი გამოიყენა ქართული GSM ოპერატორების (მაგთიკომი, ჯეოსელი, მობიტელი) USB ინტერნეტ-მოდემები. აღსანიშნავია, რომ აფხაზეთის ტერიტორიის გარკვეულ ნაწილზე ვრცელდება საქართველოში მოქმედი სამივე GSM ოპერატორის სიხშირე, თავად ანძები კი, რომლებიც ბრალდებული სარგებლობდა, საქართველოს ცენტრალური ხელისუფლების მიერ კონტროლირებად ტერიტორიაზეა განლაგებული.

მესამე: გამოძიებით უდავოდ დადგენილია, რომ სამარ ჩოკუტაევმა, აფხაზეთის ოკუპირებული ტერიტორიიდან, მალაიზიაში ნინასნარ მომზადებული სერვერის გამოყენებით, დაშიფრული ხაზით შეაღწია ქ.თბილისში, ორ სხვადასხვა მისამართზე მდებარე კერძო სტრუქტურათა ოფისების ინტერნეტ-ქსელში და კვალის არევის მიზნით, იმგვარად ატვირთა მუქარის შემცველი ვიდეორგოლი აღნიშნულ ოფისებში განთავსებული როუტერების გამოყენებით, რომ შექმნილიყო შთაბეჭდილება, თითქოს დანაშაული ამ ოფისების მიმდებარე ტერიტორიაზე იქნა ჩადენილი. შეგახსენებთ, რომ გამოძიების საწყის ეტაპზე, სწორედ თბილისში განთავსებული IP მისამართები იქნა იდენტიფიცირებული ქართველი სამართალდამცველების მიერ.

როგორც შინაგან საქმეთა სამინისტროს მიერ გავრცელებულ განცხადებაშია აღნიშნული, სამარ ჩოკუტაევს თბილისის საქალაქო სასამართლომ აღკვეთის ღონისძიებად დაუსწრებლად შეუფარდა პატიმრობა. ამჟამად ხორციელდება ბრალდებულის ძებნის ღონისძიებები, რო-



გორც საქართველოში, ასევე საქართველოს ფარგლებს გარეთ.

შინაგან საქმეთა სამინისტრო მადლობას უხდის მოკავშირე ქვეყნების სპეცსამსახურებს ამ საქმის გამოძიებაში გაწეული ქმედითი დახმარებისათვის.

დემურ გიორხელიძე - „ჩვენ ტრადიციულ რეჟიმში ვრჩებით“...

„ახალ რეალობაში ვგულისხმობ იმას, რომ ხელისუფლებაში იქნებოდა ადამიანები, რომლებიც ბელადებს, პატრონებს, მამა-მარჩენლებსა და არქიფოებს არ წარმოადგენენ. ეს უკვე კარგია, დანარჩენი პოლიტიკური პროცესის შედეგი იქნება. რაც შეეხება ივანიშვილის წასვლას, ჩვენ ისევ ტრადიციულ რეჟიმში ვრჩებით და მივტირით „პატრონს“. ბიძინა ივანიშვილი კი გონიერი ადამიანი და გვეუბნება, რომ მარჩენლის როლს არ შეასრულებს. ივანიშვილის წასვლა ტრაგედია ნამდვილად არ არის, პოლიტიკაში არიან ცხოვრებული ძალები და ცხოვრება გაგრძელდება, არანაირი რყევები არ იქნება. თუმცა პრაქტიკული საქმე, ეს საუცხოო რესურსი, კარგად იცის დღევანდელმა პრემიერ-მინისტრმა და ივანიშვილს პლუს 10-15 მენეჯერი, რომლებიც ექსტრემალურ სიტუაციაში პოლიტიკურ ალოსაც ფლობენ, შესანიშნავი კონფიგურაცია იქნებოდა“, - აცხადებს ექსპერტი დემურ გიორხელიძე გაზეთ „რეზონანსისთვის“ მიცემულ ინტერვიუში, სათაურით გიორ-

ხელიძე: „არჩევნების შემდეგ ახალი რეალობის წინაშე დავდგებით“.

„ერთი წლის საქმიანობის შეფასებას ბევრი არაფერი დარჩა და მთავრობის ანგარიშის შემდეგ ჩვენ შეგვიძლია გავაანალიზოთ მისი ნაბიჯები. არც ის უნდა დაგვაინტერესდეს, რომ მთავრობა რთულ მდგომარეობაშია. როგორც ჩანს, წინა ხელისუფლების მმართველობის არსს ქართული საზოგადოება არ დაკვირვებია - ეს იყო სრულიად უნიკალური ექსპერიმენტი, როდესაც სახელმწიფოს ღერძი პენიტენციალური სისტემა და სისხლის სამართალი გახადეს. ეკონომიკა სისტემის გარეთ იყო. იმ მახინჯი ეკონომიკური პოლიტიკის გაგრძელება, რომელსაც წინა ხელისუფლება ახორციელებდა და მხოლოდ ციფრებით მანიპულირებდა, შეუძლებელი იყო და ჩიხურ სიტუაციამდე მიგვიყვანდა. ახლა ხდება ამ პოლიტიკის გადწყობა, რაც, რა თქმა უნდა, ეკონომიკური ზრდის ტემპების შენელებას გამოიწვევდა. ამ რისკზე მთავრობა უნდა წასულიყო. ამჟამად ეკონომიკა იზრდება,

ოღონდ ზრდის ტემპები არის დაბალი“, - აღნიშნავს მოქალაქის კორუპციონდენტთან საუბრისას დემურ გიორხელიძე.

„ფიქრობ, 2013 წელს მთლიანი შიდა პროდუქტის ზრდა გვექნება 2,5-3%-ის ფარგლებში და არ გვექნება წინა ხელისუფლების მიერ ჩადებული 6%-იანი ზრდა. მთავრობა მაშინ იქნება ძალიან მკაცრად გასაკრიტიკებელი, თუ 2014 წლისთვის სამუშაო ადგილების შექმნა არ დაიწყოს და მცირე და საშუალო ბიზნესს ხელი არ შეეწყოს“, - მიიჩნევს რესპონდენტი და შეკითხვას - „რამდენიმე დღის წინ დაფუძნდა თანაინვესტირების ფონდი, რომელიც არაბ ინვესტორთა, ჩინური კომპანიისა და რამდენიმე მდიდარი ქართული ოჯახის თანხებით არის შექმნილი. იქ რა მოლოდინი შეიძლება იყოს?“ - პასუხობს:

„ჩვენ რომ დალაგებული სახელმწიფო ვიყოთ, საბაზრო ეკონომიკის მქონე, ასეთი ფონდის შექმნა უბრალო ინფორმაციის დონეზე გავიდოდა ნიუსებში და არანაირი ზედმეტი ყურადღება არ მიექცეოდა, მაგრამ აქ სულ

სხვა სიტუაციაა და ამ ჭაობის მდგომარეობიდან გასვლა აუცილებელია. თვითონ ფონდის შექმნის ფაქტი კარგია, მთავარია მისი საქმიანობის წინაარსი, ანუ ამ ფონდის რეალური მდგომარეობა ინვესტიციების განხორციელების შემდეგ, საკუთრების ფორმა ინვესტირებულ პროექტებში, საკუთრების მომავალი და სხვ. ყველა საქმეში არის რისკები და ამ ფონდთან დაკავშირებითაც არ დაგვაინტერესებს, რომ ეს ფონდი კაიშის კუნძულზეა დარეგისტრირებული, წმინდა ოფშორული კომპანიაა და ფონდის ძირითადი გადასახადები საქართველოს კანონმდებლობას აცდებია. ცხადია ისიც, რომ კერძო ფონდი კერძო ინტერესის დაკმაყოფილებაზე იზრუნებს და სულაც არ არის ვალდებული, სახელისუფლებო პროგრამების შესრულებაზე იფიქროს. არაბ მილიარდერებს საქართველოს მომავალზე ზრუნვას ვერ მოვთხოვთ, მაგრამ შეიძლება მათ შეეუქმნათ იდეალური პირობები ბიზნესის კეთებისთვის და ინვესტიციები ეკონომიკურად და სოციალურად სა-

ქართველოს განვითარების მიმართულ პროექტებში დაევაანდებიანოთ“.

„ცხადია, ფონდის საქმიანობა სასარგებლო იქნება, თუ მთავრობა სწორად წარმართავს და საზოგადოების ინტერესებიდან გამოვა, არ განახორციელებს ინვესტირების მოზიდვის ბრმა სტრატეგიას და გრძელვადიან პერსპექტივაში მოზომავს, როგორ იქნება საკუთრების ბალანსი - ხომ არ იქნება ქვეყანა ჩამოკიდებული მხოლოდ არაბ და სხვა მილიარდერებზე, რომელთაც, ნება რომ მისცე, სულაც იყიდიან საქართველოს? ბოლოს და ბოლოს, საქართველოს მატერიალური სიმდიდრე გაეროს სპეციალური მეთოდით შეფასებულია მხოლოდ 284 მილიარდ ამერიკულ დოლარად - არაბებს არ გაუჭირდებათ ამ ფულის შეგროვება. ვფიქრობ, ფონდის წარმატებული საქმიანობა და პირველ რიგში მიზანმიმართულება ერთ-ორ წელიწადში გამოჩნდება და შეიძლება საუკეთესო სტიმული გახდეს სხვა კერძო ფონდების შექმნისთვის“, - დასძენს დემურ გიორხელიძე.

ოქტომბრის პირველი კვირის ბოლოს, ტრადიციულად, მასწავლებელთა პროფესიული დღე აღინიშნება. წელს, 16 სექტემბერს, ახლი სასწავლო წელი საკმაოდ დიდი სიახლეებით დაიწყო: ბევრი სკოლა გარემონტდა და დგამ-ავეჯით აღიჭურვა, ბევრი ახალი სკოლა აშენდა, მაგრამ ყველაზე მთავარი და სასიხარულო მოსწავლეებისათვის უფასო სახელმძღვანელოების დარიგება იყო, რომელმაც დიდი ეკონომიური შედეგით მისცა მათ ოჯახებს. 5 ოქტომბერს დედოფლისწყაროს კულტურის სახლის ეზოში, ღია ცის ქვეშ საზეიმო საღამო გაიმართება ცოდნის დღესთან დაკავშირებით. ყველა პედაგოგს ვულოცავთ პროფესიულ დღესასწაულს და ვუსურვებთ წარმატებებს. გამორჩეულად კი, ამ წერილში სოფელ გამარჯვების საჯარო სკოლის ყოფილ და ახლანდელ მასწავლებლებს გამოვყოფ. თუ რატომ, ამას ქვემოთ შეიტყობთ:

სწორედ ნახევარი საუკუნის წინ-1963 წლის 1 სექტემბერს (მაშინ სწავლა 1 სექტემბერს იწყებოდა და მისი შეცვლა სექტემბრის მეორე ორშაბათით ჩემთვის პირადად მიუღებელი და უაზროა!) მოსწავლის ფორმაში კომპიანდ გამოწყობილმა და შემოდგომის ყვავილებით ხელდამშვენებულმა ოცდაათმა ბავშვმა პირველად

თავი მშობლიური სკოლის ეზოში მოიყარა. ახლა ისინი ხუთათეულს გადაცილებული, თმაშვერცხლილი, ჭარმაგი ადამიანები არიან, რომლებმაც თავისი ცხოვრების დიდი გზა გაიარეს. შესცქეროთ ერთმანეთს და ... ზოგიერთ მათგანს ორმოცი წელია, ერთმანეთი არ უნახავს, უჭირს, ამოიცნოს ბავშვობის მეგობარი და როცა ნაცნობ ღიმილს ან იერს მიაგნებს, სიხარულით იძახის: ნუთუ შენ ხარ?! მღელვარება იმდენად დიდია, სიტყვას სიტყვაზე ძლივს აბამენ, პირველი შეხვედრის ემოციები თანდათან ცხრება და სკოლის ზარიც გაკვეთილისკენ უხმობთ. გაკვეთილს კლასის ხელმძღვანელი, მათემატიკის მასწავლებელი უყუენა პოპიაშვილი ატარებს: -თითოეული მათგანი თავისი განვლილი ცხოვრების ანგარიშს აბარებს. სათქმელი და მოსაყოლი კი ბევრი აქვთ ერთმანეთსთვის. ამ შეხვედრის მოწყობა ერთმა გარემოებამ განაპირობა. ამ ზაფხულს, ივლისის თვეში, ვლადიკავკაზიდან (ყოფილი ორჯონიკიძე) ორი თანაკლასელი გოგი გიქოშვილი და ირაკლი გაზაშვილი თავწყაროში ჩამოვიდნენ ახლობლების მოსანახულებლად. ისინი გასული საუკუნის 90-იან წლებში, მაშინ, როცა ზვიად გამსახურდიას მთავრობამ საქართველოში მცხოვრებ არაქართველ მოსახლეობას პრობლემები შეუქმნა, საქართველოდან

საშოვნელად მსოფლიოს მოედნენ და თავისი ქვეყანა ენატრობათ. ლიზამ და დარეჯანმა ჩამოსვლა ვერ შეძლეს, მაგრამ მთელი საღამო ტელეფონით გვეკონტაქტებოდნენ, თითოეულ ჩვენგანს ეფერებოდნენ და ცრემლად იღვრებოდნენ გულდაწყვეტილები. ისინი მხოლოდ ფიზიკურად იყვნენ შორს, თორემ სულით და გულით ჩვენს გვერდზე იყვნენ. გოგიმ და ირაკლიმაც პირობა შეასრულეს. მიუხედავად იმისა, რომ იმ დღით გაზაფხულის გვარის კურთხევა იყო, ირაკლიმ მაინც საქართველოში ჩამოსვლა არჩია. იქ ცხოვრება უფრო იოლია, მაგრამ ჩვენი ბავშვობის ადგილ-სამყოფელი, ჩვენი ქვეყანა მაინც ძალიან გვენატრებაო, ამბობდნენ და 40 წლის უნახავი მასწავლებლებისა და მეგობრების აღერსით ვერ ძლებოდნენ. ბოლოს ჩვიდმეტმა მოვიყარეთ თავი. ზოგი მეუღლესთან ერთად მოვიდა, რამაც ძალიან გაგახარა. ყველა მათგანი დაოჯახებულია, შვილებით და შვილიშვილებით სავსე. თამარ გვარამაძე 5 შვილით და 8 შვილიშვილით იწონებდა თავს, სუფრის თამადა ოთარ თევდორაძე თავის ოინებს იხსენებდა - კანფეტსა და „პრიანიკზე“ დადებული სანაძლეების „ფასად“ როგორ „ურევდა“ გაკვეთილზე და მდგომარეობიდან გამოწყავდა პედაგოგები. ხომ გაგიგონიათ, კიტრის ქურდი იანვარ-

ვი, მათ კლასში რომ შეეყვინა. ეს იყო 1972-73 სასწავლო წელი, ჩემი პირველი გაკვეთილი, პედაგოგიური მოღვაწეობის გარიჟრაჟი. მანამდე ფიზიკაქიმის კაბინეტში ლაბორანტი ვიყავი, ამ ბავშვებთან ურთიერთობა მქონდა, მაგრამ პედაგოგის რანგში წარდგომა ძალიან მალეღებდა, თანაც, სკოლის მაშინდელმა დირექტორმა ხეთისო ალუღიშვილმა, ნათელში იყოს, მითხრა: თუ დისციპლინის დამყარება გეჭირდა, ჩემთან ნუ მოხვალ. ეს იყო გაფრთხილება, რომელმაც სრული მოტილიზება გაუკეთა ჩემს პედაგოგიურ შესაძლებლობებს და რომელიც დღემდე მომყვება. არც მაშინ და არც ახლა ბავშვებთან ურთიერთობა არასოდეს გამჭირვებია, ისინი ჩემს სიყვარულს გრძნობენ და აფასებენ, მე-მათსას. ასე რომ, ამ დღეს ჩემი პედაგოგიური მოღვაწეობის 40 წლისთავიც გახლდათ. დიდი სიამოვნება მივიღე, გვიხარე. ჭაღარა ვაჟაკები გულში რომ ჩაგიკრავენ და თბილად გეტყვიან-როგორ ბრძანდებით, გულწარა მასწავლებლო, - ვფიქრობ, რომ ცხოვრება ამაღ ღირს, ამაზე დიდი ბედნიერება რა არის? ! ბევრი მათგანი სკოლის დამთავრების შემდეგ აღარ მინახავს. ჩემს მეხსიერებაში ისინი სკოლის ფორმაში გამოწყობილი გოგონები და პირტიტველა ბიჭები იყვნენ, დღეს კი

ეს იყო ერთი დაუვიწყარი დღე



შეალო სოფელ გამარჯვების საშუალო სკოლის კარი და პირველკლასელის სტატუსი მოიპოვა. მათ მშობლიური მზრუნველობით და სითბოთი შეეგება დაწყებითი სწავლების ერთ-ერთი გამოცდილი პედაგოგი როსიუდან მაჩაბლიშვილი, რომელიც ოთხი წლის განმავლობაში მათი ცოდნის საძირკვლის ჩაყრისა და აღზრდისათვის თავდაუზოგავად შრომობდა. მათ მეხუთე კლასიდან კიდევ ათი მოსწავლე დაემატა თავწყაროს დაწყებითი სკოლიდან და მოსწავლეობის ლალი და შურყენელი წლები ერთმანეთს მისდევდა-ერთად სწავლობდნენ, ერთად ცელქობდნენ, ერთად დადიოდნენ „მატალოზე“, ერთი იყო მათი ჭირი და ლხინი. ასე გაიარა ათმა წელმა და 1973 წელს ცხოვრების გზაგასაყარზე ისინი გამარჯვების საშუალო სკოლის კურსდამთავრებულის სტატუსით სხვადასხვა მხარეს გაიფანტნენ: ზოგმა უმაღლეს სასწავლებელს მიაშურა, ზოგმა საკოლმეურნეო ველ-მინდვრებს. ცხოვრების დინებამ ყველას თავისი ადგილი მიუჩინა. მას მერე ორმოცი წელი გავიდა. ამ ორმოც წელში ჩვენს ქვეყანაში უპრეცედენტოდ ბევრი რამ მოხდა: წარსულს ჩაბარდა სოციალისტური წყობილება, საქართველომ სისხლის ფასად მოიპოვა თავისუფლება, ბევრი შიდა და გარე ფაქტორით გამოწვეული ტკივილი და უბედურება დატრიალდა... ეს ყველაფერი იმ ადამიანებმაც საკუთარ მხრებზე გადაიტანეს, ვისზეც ზემოთ მოგიტხრობდით. და აი, მიმდინარე წლის 28 სექტემბერს, შაბათ დღეს, მათ ყველამ კიდევ ერთხელ, ორმოცი წლის შემდეგ,

წავიდნენ და მაშინდელ ორჯონიკიძეში დასახლდნენ. გვარებიც ისევ ოსურად გადაიკეთეს. ახლა ისინი გაზაფხის და გიქოევის გვარით ცხოვრობენ. ახლობლებთან ერთად თანაკლასელებიც მოიკითხეს, მაგრამ ვერ მოახერხეს მათი ნახვა, მოსაგლის აღება იყო და უმრავლესობა მინდორში იყო გასული, ზოგიც რაიონში აღარ ცხოვრობს. ადგილზე გამარჯვების საჯარო სკოლის პედაგოგი, მათი თანაკლასელი ქსენია ზუბიაშვილი დახვდათ, რომელიც დაჰპირდათ, რომ 40 წლის აღსანიშნავ ღონისძიებას ორგანიზებას გაუკეთებდა. ბიჭებმა კი პირობა დადეს, რომ აუცილებლად ჩამოვიდოდნენ. არც ერთს არ გაუტეხია სიტყვა. ქალბატონმა ქსენიამ თანაკლასელ შალვა გიგაურთან ერთად დიდი შრომა გასწია, რომ 40 წლის უნახავი თანაკლასელებისთვის თავი ერთად მოეყარა. ჩვენ ქსენია ზუბიაშვილს ვესაუბრებთ: -საშუალო სკოლა 24 ბავშვმა დავა-მთავრეთ. აქედან ორი-თამარ პოპიაშვილი და გოგი ჭინჭარაული ამქვეყნად აღარ არიან. მათ ნაადრევად დატოვეს ეს სამყარო და მარადისობაში გადასახლდნენ. ღმერთმა ნათელი დაუმკვიდროთ. ლიზა ჭინჭარაული დიდი ხანია ამერიკაში ცხოვრობს და ამერიკის მოქალაქეა, ოჯახი აქვს, უკვე დაოჯახებული ქალ-ვაჟი ჰყავს და შვილიშვილებიც. დარეჯან ნიკლაური კი საბერძნეთშია. მას სამი შვილი ჰყავს. ვაჟი დაქორწინებულია, ქალიშვილი კი გერმანიაში მაგისტრატურაში სწავლობს. დასანანია, რომ ქართველები ლუკმის

ში დაიკვეხნისო. ჰოდა, ჩვენც უამრავ რამეს ვიხსენებდით, იმარცვლებოდა მოგონებათა კრიალოსანი, რომელსაც ბოლო არ უჩანდა, მეექვსე ათწლეულს მიხლოებული ადამიანები ისე ვლადობდით, როგორც ბავშვობაში, დაუვიწყარი დღე იყო, სიყვარულით და სითბოთი სავსე, განუგებოვებელი. ამ განცდების სიტყვით გამოცემა შეუძლებელია. ჩვენ ბედნიერები ვიყავით. პედაგოგების მხოლოდ ნაწილმა მოახერხა მოსვლა. ჩვენთან ერთად იყო უყუენა პოპიაშვილი, რომელიც მეხუთედან მეცხრე კლასამდე ჩვენი კლასის ხელმძღვანელი იყო. მეათე კლასში ახალბედა ფიზიკოსი ცისმარი ღორაშვილი გახდა ჩვენი დამრიგებელი. მან ვერ შეძლო მოსვლა, რითაც ყველას დაგვეწყობა გული. ჩვენთან ერთად იყვნენ ინგლისური ენის პედაგოგი ქეთინო ალადაშვილი, ქართული ენისა და ლიტერატურის მასწავლებელი რუსუდან გუგუნიშვილი, ბიოლოგი გულნარა ღორაშვილი. მადლობა ყველას - მასწავლებლებსაც და მოსწავლეებსაც, რომ გამოიხარეს დრო, მოვიდნენ და ერთმანეთს ვაჩუქეთ ის დიდი სიყვარული, რომელიც მინავლული ნაპერწკლიდან ისევ ააღდა და კვლავაც დიდხანს გაგვეყვება საგზალად, -ემოციებს ვერ ფარავს ქალბატონი ქსენია. არანაკლები ემოციით დატვირთულია პედაგოგ გულნარა ღორაშვილის მონათხრობი: -ოცდასამი წლის ვიყა-

ჭარმაგი ვაჟაკები და ქალბატონები ვიხილე, გავეცანი მათ განვლილ ცხოვრებას. მისარია, რომ ბევრი მათგანის თვალეში და ქცევაში დავინახე ოჯახური ურთიერთობით გამოწვეული ბედნიერება და კმაყოფილება. ეს ადამიანის ცხოვრებაში უმნიშვნელოვანესია. არანაირი ქონება და მატერიალური უზრუნველყოფა არ შეედრება იმ ბედნიერებას, რაც თანამეცხედრესთან ჰარმონიულ ურთიერთობას მოაქვს. ვყოფილვარ სკოლის დამთავრების 5-10 -15 წლისთავი მათ პირველმა იზეიმეს. დატკბნენ ერთმანეთთან ყოფნით და ჩვენც დაგვატკბეს. პატივი მიაგეს გარდაცვლილი თანაკლასელების და პედაგოგების ხსოვნას და ერთმანეთს დიდხანს სიცოცხლე და ჯანმრთელობა უსურვეს. მეც ამ სურვილს ვუერთდები. მადლობა ქსენია ზუბიაშვილს, რომელმაც ორგანიზება გაუკეთა ამ ყველაფერს. ის მოსწავლეობაშიც გამოირჩეოდა როგორც კარგი სწავლით, ასევე ორგანიზატორული ნიჭით, -ამბობს ქალბატონი გულნარა. * * *

ეს ერთი დაუვიწყარი დღეც დამთავრდა. ყველა თავის ცხოვრებას დაუბრუნდა და თან გაიყოლა ის დიდი სითბო და სიყვარული, რომელსაც ბავშვობის ტკბილი დღეების მოგონება ჰქვია.

ნაირა გორაშვილი



რამდენად ინსტრუქციულია მცენარეული მცენარეობით დაფარული 300 ჰექტარი? □ □

დედოფლისწყაროში, ვაშლოვანის ნაკრძალის სიახლოვეს არსებული ფარმაკოლოგიის ინსტიტუტის ტერიტორია 20 წელზე მეტია, უყურადღებოდა მიტოვებული. 300 ჰა მიწის ნაკვეთის გამოყენება ამ დრომდე ვერ ხერხდება. ეკოლოგი მცენარეებით დაფარული ტერიტორია ათულობით წლების წინ მედიკამენტების წარმოებისთვის გამოიყენებოდა და ნედლეული ოდესში იგზავნებოდა. საბჭოთა კავშირის ნგრევის შემდეგ კი ამ ტერიტორიის ბუდე გაურკვეველი დარჩა.

ამ ტერიტორიის შესახებ საინტერესო ინფორმაციას გვაწვდის ვაშლოვანის ნაკრძალის ყოფილი თანამშრომელი ამირან კოდიამილი, რომელიც ამბობს, რომ ის პერიოდი კარგად ახსოვს.

ამირან კოდიამილი: „ეს 300 ჰა მიწის ნაკვეთი საქართველოს ფარმაკოლოგიის ინსტიტუტს გამოეყო. იმხანად, დაასაბუთეს, რომ სამხრეთამერიკული მცენარე, რომელსაც სახელად ჰქვია „იუკა დიდებული“, დედოფლისწყაროში, ვაშლოვანის ნაკრძალის მიმდებარე ტერიტორიაზეც კარგად იხარებდა და აქაურ კლიმატს ადვილად შეეთვისებოდა. აღმოჩნდა, რომ ჩვენი კლიმატი ძალიან ახლოსაა სამხრეთამერიკულთან. შესაბამისად, „იუკას“ ფარმაკოლოგიური მიზნებისთვის იყენებდნენ და აღმოჩნდა,

რომ აქაც შესაძლებელი იყო მისი გაშენება. მართლაც ჩამოიტანეს. თავდაპირველად მცირე ოდენობით გააშენეს და ნახეს, რომ გაამართლა. თუმცა, შემდეგ გაჩნდა ბიზნეს იდეა, ოდესის ფარმაკოლოგიის ქარხანას ესაჭიროებოდა ნივთიერება „ტიგონინი“, რომელიც ამ მცენარის ფოთლებისგან მზადდება.

– რა სახის მედიკამენტების მომზადებაში იყენებდნენ ამ ნედლეულს?

– როგორც ჩემთვის არის ცნობილი, ამ ფოთლებისგან მიღებული ნივთიერება „ტიგონინი“ გამოიყენება სხვადასხვა მედიკამენტებში ეფექტის გასაძლიერებლად. მაგალითად, „ანალგინისა“ და „პენტალგინის“ შემადგენლობაში იყენებენ.

იყო ასეთი შეთანხმება, რომ საქართველოში მოეშენებინათ ამ მცენარის საკმაოდ დიდი პლანტაცია. შემოვიდა სპეციალური კომპანიები, რომლებიც ჭრიდა ფოთლებს, ახმოზდნენ, ფქვავდნენ და შემდეგ მისი ოდესის ქარხნისთვის მიწოდება ხდებოდა. დასაქმებული იყო ხალხი და მრავალი სარგებელი მოჰქონდა. ანუ, ორივე მხარე მოგებული აღმოჩნდა. ამ ნაკვეთის ექსპლუატაციაში შესვლის შემდეგ ოდესის მხარეს ნედლეული სამხრეთამერიკიდან აღარ შემოჰქონდა, რადგან ძალიან ძვირი ჯდებოდა. დედოფლისწყაროდან მომარაგებით კი ის ხარჯებს მნიშვნელოვნად ზოგავდა.

– ანუ, „იუკას“ აქ გაშენება წარმატებული აღმოჩნდა?

– ეკონომიკურად ბოლომდე გაამართლა თუ არა, ძნელია ამის თქმა, რადგან ეს პროცესი, სამწუხაროდ, საბჭოთა კავშირის დაშლას დამთხვა და ეკონომიკური თუ სავაჭრო



„იუკა“ იმდენად ძლიერად მოედო, მისი განმენდა ვერ მოხერხდა. ამოძირკვას შეეცადნენ, ტერიტორია მოხნეს, მაგრამ უფრო მეტი სიხშირით ამოვიდა. 20 წელია ასე უპატრონოდა“

კავშირები შეწყდა. არავინ იცის, არსებობს თუ არა ოდესის ქარხანა, არც საქართველოში გვაქვს ისეთი ქარხანა, რომელიც აქ მოყვანილ მცენარეს გადაამუშავებს და გამოუყენებლობის გამო უყურადღებოდ მიტოვებული აღმოჩნდა. რადგან 300 ჰექტარი მიწა დღემდე ასე გამოუყენებელი რჩება, რაღაც პერიოდის შემდეგ მისი ამოძირკვა და ტერიტორიის გასუფთავებას შეეცადნენ, მაგრამ რთული აღმოჩნდა. მის გასაჩანაგებლად, დაახლოებით 7-8 წლის წინ ტერიტორია მოხნეს, თუმცა აღმოჩნდა, რომ უფრო მეტი სიხშირით ამოვიდა. რეალობა არის ისეთი, რომ ტერიტორიას ეს მცენარე ისე ძლიერად მოედო, მისი განმენდა ძალიან ძვირი ჯდება და ფიზიკურადაც რთული სამუშაოა. ფარმაკოლოგიის ინსტიტუტი თუ კიდევ არსებობს, ალბათ მათთან უნდა მოხდეს დაკავშირება და ამ საკითხის გადაწყვეტა.

– ნაკრძალის გვერდით მდებარე ეს 300 ჰა მიწის ნაკვეთი დაცული ტერიტორიების შემადგენლობაში არ შედის?

– არა, ნაკრძალს არ ეკუთვნის, მაგრამ ვის ეკუთვნის ეს ნაკვეთი დღემდე უცნობია. თუმცა, ამ ტერიტორიამ ვაშლოვანის ნაკრძალისთვის ერთგვარი ბუფერის ფუნქცია შეასრულა. იმის გამო, რომ მცენარე ეკლიანია, საქონელი ვერ შედის. შეიქმნა ჩრდილი და რომ გადახედოთ, საოცარი ტყე ამოდის საკმაოდ დიდ ტერიტორიაზე და გასული 20 წლის მანძილზე საკმლის ხეები ამოვიდა.

– ამგვარი მცენარეები ოჯახებშიც მიწახავს...

– კი, ოჯახებშიც გვხვდება. „იუკა“ დეკორატიული მცენარეა, ბაღებისა და სკვერების გამწვანების დროსაც გამოიყენება, თუმცა, ცნობილია, რომ მისი ყვავილის სუნი საკმაოდ ცუდად მოქმედებს ადამიანზე და თავის ტკივილებსაც იწვევს. ანუ, რეკომენდირებული არ არის, ეს მცენარე მოვითავსოთ ისეთ ოთახში, რომლის ხშირი განიავებაც ვერ ხერხდება.

ილია მარტყოფლიშვილი



სემინარი კლიმატის ცვლილების საკითხებზე

29-30 სექტემბერს, კაჭრეთში (სასტუმრო „ამბასადორი“) აშშ-ს საერთაშორისო განვითარების სააგენტოს (USAID) მიერ დაფინანსებული პროგრამის „საქართველოს რეგიონებში კლიმატის ცვლილებისადმი ადაპტაციისა და ზეგავლენის შერბილების ზომების ინსტიტუციონალიზაცია“ ფარგლებში საქართველოს ადგილობრივი თვითმმართველობის ეროვნულმა ასოციაციამ თვითმმართველობის მოხელეებისათვის ტრენინგ-პროგრამის პრეზენტაცია და სამუშაო შეხვედრა გამართა.

შეხვედრაზე მუნიციპალიტეტების წარმომადგენლები გაეცნენ პროგრამის განხორციელებულ საქმიანობას და მომავალ აქტივობებს, ასევე მოხდა ტრენინგ-მოდულების პრეზენტაცია. ტრენინგ-პროგრამა კლიმატის ცვლილების, სოფლის მეურნეობის, მდგრადი განვითარებისა და გარემოსდაცვითი საკითხებზე თემების ფართო სექტორს მოიცავს და ადგილობრივ დონეზე კვალიფიციური კადრების მომზადებას შეუწყობს ხელს.

პროგრამა წარმოადგენს საკვანძო ინიციატივას, რომელიც მიმართულია საქართველოს ადგილობრივი თვითმმართველობების საქმიანობის დღის წესრიგში გარემოს დაცვით და კლიმატის ცვლილებასთან დაკავშირებული საკითხების ინტეგრირებაზე. პროგრამა ითვალისწინებს ადგილობრივი თვითმმართველობების დონეზე გარემოს დაცვის, კლიმატის ცვლილების და სოფლის მეურნეობის საკითხების აქტუალისა და აღნიშნულ საკითხებზე მომუშავე სპეციალური

ერთეულების შექმნას, რაც ხელს შეუწყობს ადგილობრივი თვითმმართველობების ფუნქციების განხორციელებას ბუნებრივი რესურსების მართვის, სივრცითი დაგეგმარებისა და მდგრადი განვითარების სფეროში. პროგრამა ხორციელდება საქართველოს ადგილობრივი თვითმმართველობათა ეროვნული ასოციაციის მიერ, ამერიკელი ხალხის დიდსულოვანი მხარდაჭერის შედეგად და ამერიკის შეერთებული შტატების საერთაშორისო განვითარების სააგენტოს (USAID) დახმარებით.

ინგა შილაშვილი



სუიციდი - სიხდელე თუ გამბედაობა

ამ დღეებში სოფელ სამრეკლოში მცხოვრებმა მოზარდმა თავი მოიკლა. როგორც ამბობენ, ბავშვის ოჯახს არც ეკონომიკური და არც სხვა სახის პრობლემა არ ჰქონია. გარდაცვლილი საკმაოდ კარგად იმსახურებდა. თვითმკვლელობის მიზეზი უცნობია. ეს არაა ერთადერთი ან გამონაკლისი შემთხვევა საქართველოში. სტატისტიკური მონაცემებითაც დასტურდება, რომ ბოლო წლებში თვითმკვლელობის ფაქტებმა მნიშვნელოვნად იმატა.

სუიციდი, იგივე თვითმკვლელობა მოზარდებში განსაკუთრებით გავრცელებული ფენომენია. ბოლო დროს ცნობილი გახდა, რომ ყოველწლიურად გარდაცვლილ მოზარდზე თითქმის ყველა მეოთხე თვითმკვლელობის შემთხვევაა. სუიციდის თემა აქტუალურია მოზარდობის დასაწყისიდან და ის არაა მხოლოდ აფექტური, გაუაზრებელი აქტი. მისი მიზეზები გაცილებით ღრმაა და ხშირად მჭიდრო კავშირშია კოგნიტურ

სფეროსთან. ერთია ის ობიექტური და სუბიექტური მიზეზები, რომელიც თვითმკვლელობის აქტის მიზეზებად შეიძლება მოვიხაროთ და მეორეა თვით ეს ფენომენი კაპიტულაციის ნიშნავს თუ გამარჯვებას, გამარჯვებას ყოველგვარ აბსურდსა და ცინიზმზე.

ალბერ კამიუ ერთ-ერთ ახალგაზრდობისდროინდელ ნაწარმოებში "ქორწინება" წერს, იმედი კაცობრიობის უდიდესი მტერიაო. ფრანგ მწერალ-ფილოსოფოსს შეიძლება ბევრიც შევედგეთ, მაგრამ ისიც ხომ შესაძლებელია, პანდორას ყუთში იმედი რომ არ დარჩენილიყო, გაცილებით მეტ ადამიანს მოეკლა თავი ყოველდღიურად. იმედი კი რჩება, როგორც მარადიული, მჭრელი სატყუარა ადამიანებისთვის, რომლებიც იტანენ განამებულ ყოველგვარ სწორედ ი მ ე დ ი თ.

თვითმკვლელობა ერთი მხრივ ლაჩრობას ჰგავს. ერთი შეხედვით ეს მართლაც ნათელია. ბუნებრივია, ეს გაქცევის მც-

დელობაა ყველაფრისგან, რაც გართმევს უფლებას თუ საშუალებას, იცხოვრო ადამიანურ არსებასავით. ესაა აქტი, რომელიც ერთი თვალის შევლებით ნითელი დროშების გამოფენას ჰგავს, მაგრამ როგორც ყველა მედალს, მასაც აქვს მეორე მხარე. მაინც რა შეიძლება ჩაითვალოს მედალის მეორე მხარედ? ალბათ, ლაჩრობის საპირწონე- გამბედაობა. დიახ, თვითმკვლელობას დიდი გამბედაობაც სჭირდება, რადგან ბევრი შემთხვევა ახსოვს არა მარტო კაცობრიობის ისტორიას, არამედ ჩვენს ყოველდღიურობასაც, როცა სიკვდილისთვის განწირულ ადამიანს შეშინება და დახმარებაც უთხოვია... სიცოცხლის შესანარჩუნებლად.

"თავის სიკვდილით თავს ვერ დაიხსნი"- თუ არ ვცდები სერგეი ესენინს სწერდა ჩვენი ცისფერყანწელი, ტიცინა ტაბიძე. რა თქმა უნდა, თვითმკვლელობა ლაღატკა და უღირსი გამოსავლის შერჩევას ჰგავს, მაგრამ სწორედაც საკვირველია, რომ ამ ბურუსში თითქმის ვერასდროს ვერ ხედავენ იმ სულიერ ძალას, რომელსაც ეს ადამიანები ავლენენ და პოულობენ საკუთარ თავში. თვითმკვლელობა რომ ადვილი იყოს, ალბათ ნახევარი კაცობრიობა განყდებოდა, ვინაიდან ყოველდღიურად უამრავი



ადამიანი უძლებს დამცირებასა და არაადამიანურ მოპყრობას, უმძიმეს ყოფით პირობებსა და საკუთარი არსებობის აბსურდულობის განცდას. საკვირველია, ამ აქტში ვერ დაინახო გენიის საიდუმლო, რომელიც ძალას აძლიერებს, აწოჯნობს ცეცხლიც ვეღარ აშინებს, არ აქვს დიდი მნიშვნელობა ათეიზმსა და თეიზმს ამ შემთხვევაში, რადგან ყოველთვის არსებობს ადამიანში მოსალოდნელი სასჯელის შიში. ნუთუ ლაჩრები არიან ადამიანები, რომლებმაც საბჭოთა გაუსაძლის ყოფას თვითმკვლელობა არჩიეს? როცა ცხოვრება გაუსაძლისია და ამ აბსურდის მყისიერად დასრულების ძალას პოულობ, არ შეიძლება გერქვას მხდალი. არ ვიცი, ვისთვის არიან მხდალები პაოლო იაშვილი ან გალაკტიონი.

რა თქმა უნდა, სუიციდისთვის ხოტბის შესხმა არც კი მიცდია, მაგრამ მაინც ღირს დაფიქრება რა ძალისხმევა სჭირდება და რაოდენ დიდაა მსხვერპლი. ადამიანები აქამდე მხოლოდ მას შე-

მდეგ მიდიან, როცა მათივე მსგავსი არსებები მიწიერ ჯოჯოხეთს უქმნიან. მერე კი შემოიღებენ და დამარცხებულად რაცხავენ. არ მინდა ეს წერილი ვინმემ თვითმკვლელობის ნახაღისებად ჩათვალოს, არ მინდა, ზოგიერთმა იფიქროს, რომ სუიციდის გადაწყვეტილებამდე მისვლას მხოლოდ ან ძალიან ლაჩრები ან ძალიან გამბედავები იღებენ, მაგრამ ფაქტია, რომ თვითმკვლელობის ნახაღისებას თითოეული ჩვენგანი არა სიტყვით, არამედ საქმით ვახდენთ, რადგან მოზარდებისთვის მშობლები და პედაგოგები ნაკლებად ვართ მეგობრები და მათ რაიმე პრობლემის ან შეცდომის დროს ჩვენი მხარდაჭერის იმედი არ აქვთ; ჩვენს საზოგადოებაში ჯერ კიდევ ბევრ თემას ადევს ტაბუ და იმისი შიში, რომ მოზარდს ვერ გაუგებენ და ის საზოგადოებისგან გარიყულ სემენტად და არა ინდივიდუალ იქცევა, ბევრისთვის სუიციდის მაპროვოცირებელი ფაქტორი ხდება.

ინგა შიოლაშვილი



მსოფლიოში ყოველ წელს 1100000 ადამიანი იკლავს თავს

მსოფლიო ჯანდაცვის ორგანიზაციის მონაცემებით, მსოფლიოში ყოველ წელს 1100000 ადამიანი იკლავს თავს. მათ შორის: 300 ათასი ჩინელი, 160 ათასი ინდოელი, 37 ათასი ამერიკელი, 30 ათასი რუსი, 30 ათასი იაპონელი, 16 ათასი ფრანგი და 10 ათასი უკრაინელი. ამავე ორგანიზაციის ცნობით, ყოველწლიურად მსოფლიოში 19 მილიონი თვითმკვლელობის უშედეგო მცდელობა აღინიშნება. სტატისტიკურად თვითმკვლეელი მამაკაცების რიცხვი ოთხჯერ აღემატება თვითმკვლეელი ქალების რაოდენობას. სუიციდის ყველაზე დაბალი, თითქმის ნულთან გათანაბრებული მაჩვენებლებია ეგვიპტეში, ჰაიტისა და იამაიკაზე. მსოფლიო ჯანდაცვის ორგანიზაცია დასძენს, რომ ნებისმიერი ქვეყანა ცდილობს დამალოს თვითმკვლელობის რეალური მაჩვენებელი, რადგან ეს, სოციალურთან ერთად, პოლიტიკური მნიშვნელობის საკითხია. ჯანმრთელობის მსოფლიო ორგანიზაცია ვარაუდობს, რომ 2020 წლისთვის თვითმკვლელობების ყოველწლიური სტატისტიკა 1500000-მდე გაიზრდება.

10 მითი სუიციდის შესახებ

მსოფლიო ჯანდაცვის ორგანიზაციის (WHO) თანახმად, ყოველ 40 წამში მსოფლიოს რომელიც წერტილში ერთი ინდივიდი მიმართავს სუიციდის მცდელობას. სწორედ თვითმკვლელობაა სიკვდილიანობის რიგით მესამე ყველაზე გავრცელებული მიზეზი 15 და 19 წლის ასაკის მოზარდებსა და ახალგაზრდებში.

სუიციდის პრევენციისთვის უმნიშვნელოვანეს პირობას აღნიშნულ თემასთან დაკავშირებით საზოგადოების ცნობიერების ამაღლება წარმოადგენს. თუმცა, სამწუხაროდ, კვლევის მონაცემებით გამყარებულ ცოდნაზე მეტად, რიგით მოქალაქეებში სუიციდთან დაკავშირებული სხვადასხვა მითები უფრო პოპულარულია.

ქვემოთ მოცემულია რამდენიმე ასეთი გავრცელებული მითი და მათი შესაბამისი ფაქტები:

მითი №1 ადამიანი, რომელიც ამბობს, რომ თავის მოიკლავს, სინამდვილეში ამას არ გააკეთებს.
 ფაქტი: შესაძლოა ადამიანი მართლაც ყურადღების მიქცევის მიზნით იმუქრობდეს თავის მოკვლით და სულაც არ ჰქონდეს ასეთი განზრახვა ან სურვილი. მაგრამ ასეთი განცხადებების იგნორირება ძალიან საშიშარო შეიძლება აღმოჩნდეს. თუკი სტატისტიკას გადავხედავთ, 10 დან 8 ადამიანი, ვინც ახორციელებს სუიციდს, ამის შესახებ ატყობინებს გარემომყოფებს. ამიტომ, ადამიანს რომელიც იმუქრება თვითმკვლელობით, სერიოზულობით უნდა მივუდგეთ და შევთავაზოთ შესაბამისი დახმარება.

მითი №2 სუიციდი გაფრთხილების გარეშე, მოულოდნელად ხდება
 ფაქტი: გარემომყოფები ხშირად აღნიშნავენ, რომ ადამიანმა სრულიად მოულოდნელად მოიკლა თავი, რომ მის თვითმკვლელობაზე არაფერი მიუთითებდა, თუმცა სინამდვილეში სუიციდის როგორც წესი წინ უსწრებს სხვადასხვა სასიგნალო, გამაფრთხილებელი ნიშნები: ადამიანმა შესაძლოა დაკარგოს ინტერესი მისთვის ერთ დროს სასიამოვნო აქტივობების მიმართ, ჩაიკეტოს საკუთარ თავში, გამოემწყობოს საყვარელ ადამიანებს, დაარიგოს პირადი ნივთები, მოულოდნელად შეიცვალოს მისი ძილის, კვების რეჟიმი და ა.შ.

მითი №3 თუკი ადამიანი თავის მოკვლას ცდილობს, ე.ი. მას ბოლომდე აქვს გადამწყვეტილი სიკვდილი
 ფაქტი: ადამიანთა უმეტესობა, რომელიც სუიციდს მიმართავს სინამდვილეში დილემის წინაშე დგას: ერთი მხრივ მათ სურთ სიცოცხლის გაგრძელება და მეორე მხრივ იმ ტვივილის-

ვის ბოლოს მოლება, რომლის ატანაც და გაძლებაც აღარ შეუძლიათ. ასეთი ამბივალენტური განცდები და დამოკიდებულებები შეიძლება ადამიანმა სიტყვიერად გამოხატოს ან ეს შესაძლოა აისახოს მის ქცევაში.

მითი №4 თუკი ადამიანმა ერთხელ სცადა თავის მოკვლა და გადარჩა, იგი მეორეჯერ ამას აღარ გააკეთებს.

სინამდვილეში წარსულში განხორციელებული სუიციდის მცდელობა წარმოადგენს ერთ-ერთ უმნიშვნელოვანეს რისკ ფაქტორს მომავალში ასეთი ქმედების განმეორებისთვის. სტატისტიკის თანახმად, ადამიანთა დიდ ნაწილს, რომელიც თვითმკვლელობით ასრულებს სიცოცხლეს, წარსულშიც ჰქონდათ მსგავსი მცდელობები.

მითი №5 გაუმჯობესება სუიციდალური კრიზის შემდგომ, ნიშნავს, რომ სუიციდის რისკი გადალახულია
 ზოგჯერ ეს მართლაც ასეა. თუმცა არის შემთხვევები, როდესაც ადამიანები მხოლოდ გარეგნულად ახდენენ სუიციდის მცდელობის შემდგომი კრიზისის გადალახვას და სინამდვილეში თავს უკეთ იმის გამო გრძობენ, რომ საბოლოო გადაწყვეტილებას ლეზულობენ თავის მოკვლასთან დაკავშირებით და გეგმავენ ამის განხორციელებას. ის აზრი, რომ მათ ტკივილს მალე მოუღებთ ბოლო, შევება ჰგვრით და სწორედ ამით აიხსნება მათი ერთი შეხედვით გაუმჯობესებული მდგომარეობა.

მითი №6 სუიციდს ახორციელებენ უმეტესად მდიდარი/პირიქით ღარიბი ადამიანები
 სუიციდი არ არის კავშირი სოციალურ-ეკონომიკურ ფაქტორებთან. იგი გავრცელებულია ყველა სოციალური ფენის წარმომადგენლებს შორის.

მითი №7 სუიციდი მემკვიდრეობითია
 სუიციდი მართლაც გვხვდება ახლო ნათესაური კავშირის მქონე ადამიანთა შორის, ამიტომ ერთი შეხედვით შეიძლება ვიფიქროთ, რომ იგი გენეტიკურია. თუმცა სპეციფიკური გენი, რომელიც ასეთ მიდრეკილებაზე აგებს პასუხს, არ არის აღმოჩენილი. მკვლევართა ნაწილი ასეთი შემთხვევების ალტერნატიულ ახსნას გვთავაზობს და ხაზს უსვამს სხვა ფაქტორების როლსა და მნიშვნელობას. გავრცელებული მოსაზრების თანახმად ოჯახის ერთი წევრის მიერ განხორციელებული სუიციდი, გავლენას ახდენს და ცვლის სხვა წევრების დამოკიდებულებას ამ ფენომენის მიმართ. თავის მოკვლა რის შედეგადაც აღიქმება პრობლემასთან გამკლავების ოპტიმალური საშუალებად.

მითი №8 მხოლოდ დეპრესიაში მყოფი ადამიანები იკლავენ თავს
 დეპრესიის არსებობა მართლაც ზრდის სუიციდის განხორციელების რისკს, თუმცა იგი არ წარმოადგენს აუცილებელ პირობას იმისთვის, რომ ადამიანმა სცადოს ან განახორციელოს თვითმკვლელობა.

მითი №9 თუკი ადამიანს სუიციდის შესახებ ვკითხავთ რამეს, ამით შეიძლება თავის მოკვლას იდეა მივანოდოთ
 სუიციდის განზრახვის შესახებ პირდაპირ დასმული კითხვა არ ქმნის და არ ზრდის ასეთი ქმედების განხორციელების რისკს. თუკი ადამიანს მართლაც ანუხებს მსგავსი აზრები, ღია, პირდაპირი საუბარი ამ თემაზე ყველაზე ოპტიმალურ სტრატეგიადაა მიჩნეული. ასეთი საუბარი ხშირად ეხმარება ადამიანს შეფოთის შემცირებაში და ხელს უწყობს სუიციდის პრევენციას.

მითი №10 სუიციდალური ადამიანის დახმარება მხოლოდ სპეციალისტს შეუძლია
 მიუხედავად იმისა, სპეციალისტის ჩართულობა ხშირად შემთხვევაში ძალიან მნიშვნელოვანია, აუცილებელია გავსხვავდეს, რომ სუიციდის რისკის ქვეშ მყოფი ადამიანის დახმარება და მისი ემოციური მხარდაჭერა ახლომდებ ადამიანებსაც შეუძლიათ. აღსანიშნავია, რომ ფსიქოთერაპიის წარმატებასაც მნიშვნელოვანადაა დამოკიდებული სწორედ ოჯახის, მეგობრების მხარდაჭერის ქსელის არსებობაზე.

ზემოთ გავრცელებულმა მითებმა და მცდარმა წარმოდგენებმა, რომლებიც როგორც დავინახეთ ნაკლებად შეესაბამება რეალობას, შესაძლოა თითოეული ჩვენგანი მიიყვანოს არაადეკვატურ ქმედებამდე ან გვიბიძგოს უმოქმედობისკენ სუიციდის რისკის ქვეშ მყოფ ადამიანთან მიმართებაში. სწორედ ამიტომ, ძალიან მნიშვნელოვანია თითოეული ჩვენგანს გააჩნდეს სწორი, ზუსტი ინფორმაცია ამ თემასთან დაკავშირებით, რაც როგორც აღვნიშნეთ სუიციდის პრევენციისთვის უმნიშვნელოვანესი პირობაა.

კახეთის აჯანყების გმირი

ბახტრიონის ომმა მტერიც და მოყვარეც კიდევ ერთხელ დაარწმუნა ქართველი ხალხის გაუტყეველობაში, უძლეველობასა და უკვდავებაში-ვკითხულობთ „დედა-ისტორიაში“.

რაოდენ საამაყო თითოეული ახმეტელისათვის იმის განცდა, რომ 1659 წლის ცნობილი აჯანყების ორგანიზატორი და სულისჩამდგმელი, ახმეტის მკვიდრი შვილი იყო, რომელმაც თავისი სამაგალითი გმირობითა და სამშობლოსათვის გაუგონარი თავგანწირვით, არა მარტო თავისი

პიროვნება უკვდავო სამარადეოდ, არამედ საქართველოს ისტორიაში ოქროს ასოებით ჩანერა ახმეტის სახელიც, რითაც ხელთუქმნელი ძეგლი დაუდგა ახმეტელთა ფასდაუდებელ წვლილს, ღვანლსა და ამავს ერისა და ქვეყნის წინაშე.

მართალია, საქართველოს თავისი ისტორიის განმავლობაში მრავალი მტერი ჰყავდა, რომელთაც თავისი მახვილი მოლაპატენტა და მომხვედრით მოგერიებაში გაცვივებს და საკუთარი სიცოცხლე უწყომანოდ მიიტანეს დე-

და-საქართველოს სამსხვერპლოზე, მაგრამ სულ სხვა იყო ბიძინა ჩოლოყაშვილის თავგანწირვა, რამეთუ, ამ ბუმბერაზ ადამიანს ბედმა არგუნა ერისა და ქვეყნისათვის თავდადებულთა და წამებულითა შორის, წამებულთა წამებული ტვირთი ეტვირთა.

როგორც დედა ისტორიაში არის გადმოცემული: „ის ასოეულბად ასჭრეს და აჰკავეს.. ასოეულბად აჭრილი და აკაფულნი ისრებით დაცხრილეს, მახვილებით დაჩხეს, ტყვიებით დახვრიტეს..“

ბიძინა ჩოლოყაშვილის ნამუშაოები ვეროპელმა კათოლიკე ბერებმა მოიპარეს და იდუმალ დაკრძალულს სადღაც უცნობ ადგილას“.

მართლაც რომ, ბედნიერია ერი, რომელსაც ასეთი მამულიშვილები ჰყავს. ორმაგად ბედნიერები არიან ახმეტელები, რომლებიც დიდი ბიძინას ნატერფალ მისზე ცხოვრობენ.

პირველი ოქტომბერი საქართველოს ეკლესიის მიერ წმინდანად შერაცხული ბიძინა ჩოლოყაშვილის ხსენების დღეა.

როგორც იქნა დიდი ხნის ოცნება აუსრულდათ ახმეტელებს: მრავალრიცხოვანი მრევლის თხოვნითა და თაოსნობით ბიძინა ჩოლოყაშვილის სახელობის ეკლესიის მშენებლობა კარგახანია დასრულდა. ეკლესიის საძირკველის გაჭრა აკურთხა ალავერდელმა მიტროპოლიტმა აბბა დავითმა.

ყოველ წელს ოქტომბრის დასაწყისში ბიძინა ჩოლოყაშვილის ხსონის სადიდებლად „ბიძინაობა“ იმართება.

მარიკა ჯონიაშვილი

ბიძინა ჩოლოყაშვილი, შალვა და ელიზბარ ქსნის ერისთავები

წმიდა ბიძინა ჩოლოყაშვილი და ელიზბარ და შალვა ქსნის ერისთავნი XVII საუკუნეში აღესრულნენ მონაპოვობივად. შაჰ-აბას I-მა და მისმა ძემ, შაჰ-აბას II-მ განსაკუთრებული სისასტიკით კახეთი ააოხრეს. მამა და შვილი საბედისწეროდ, ყორნებით დასწაოხრდნენ თავს ივერიას და ცეცხლის ალში ხვედნენ ეკლესიამონასტრებს და ციხე-სიმაგრეებს, ათასობით ქართველს მშობლიურ მიწიდან ყრიდნენ, სპარსეთში მიერეკებოდნენ და მათ ნაცვლად სპარსელებს ასახლებდნენ.

თეიმურაზ I-ის დაულალავმა საქმიანობამ და მისმა სწრაფვამ, ეპოვა დასაყრდენი რუსეთში, შაჰ-აბას მეორის (1642-1666) ირანში გააცოცხლა იდეა კახეთში თურქმანთა მამოსახლებისა და სახანოს შექმნის შესახებ.

ქენგერლუს გადაცა. სწორედ ამ მმართველთა დროს ჩასახლდა კახეთში 80000-მდე მომთაბარე ელი.

კახეთის კულტურულ მეურნეობას მომთაბარე თურქმანებისაგან გადასვენების საფრთხე დამუქრა; მესაქონლე ელები ვენახების არჩევას და კახეთის მიწების იალაღებად გადაქცევას აპირებდნენ. თუმცა-ხევისურნიც მიძიმდნენ დამოკიდებულნი - მწირი მთა ბარის პურითა და ღვინით ირჩენდა თავს, მთიელები ბარის საზამთრო საძოვრების გარეშე ვერც ცხვარს გამოკვებავდნენ. გარდა ამისა, ადგილობრივი მოსახლეობა ყიზილბაში მეციხოვნეებისგანაც იყო შეწუხებული. მომთაბარე გადამთიელთაგან მთისა და ბარის შევიწროება ერთ ხალხურ ლექსში ასეა გადმოცემული:

თავის ვაჟის ზურაბისა და შალვა და ელიზბარ ქსნის ერისთავების მეთაურობით ახმეტაში ჩავიდა. არაგვის ერისთავმა „მცირედნი ოდენ კაცნი რჩეული მხედრები მისცნა თანაშემწედ საიდუმლოდ“, ხოლო ქსნის ერისთავებმა - ბიძინა-ქსნისულმა - ქუდზე კაცს უხმეს, შეყარეს თუშნი, მთიულნი, მცირედ კახნი... უმთავრო ღამეს მთა გადაიარეს, ახმეტა ჩავლეს და მოულოდნელად დაცხენ თავს ბახტრიონს უზრუნველად დაბანაკებულ თათრებს.

კახეთის ლაშქარი ბიძინა ჩოლოყაშვილის სარდლობით ალავერდის მიუახლოვდა. აჯანყებულებმა ერთდროულად შეუტყეს ბახტრიონსა და ალავერდს. ბახტრიონის ციხეში შეჭრილმა ქართველებმა სასტიკად დაამარცხეს ყიზილბაში მეციხოვნეები,

სპარსეთს გაეშურა.

ამ ისტორიული გამარჯვების შედეგად კახეთი გადაურჩა განადგურება-გადაშენებას, შაჰმა უკან დაიხია და ხელი აიღო თავის მზაკვრულ გეგმაზე, თუმცა უფრო შორეული, საბოლოო მიზანი — ირანელთა განდევნა და მეფობის აღდგენა — მიუღწეველი დარჩა.

თავისუფლად ამოისუნთქა კახეთმა, უზომოდ გახარებული თავს ევლემოდა თავის ერთგულ შვილებს... მაგრამ დიდხანს არ გაგრძელებულა სამშობლოს მხსნელი გმირების ნეტარება. განრისხებულმა შაჰ-აბასმა ქართლის მეფეს, ვახტანგს, სპარსთაგან შაჰ-ნავაზად ნოდებულს, უბრძანა, ქრისტეს ახოვანი მხედრები მასთან გაეგზავნა.

ირანის შაჰმა დაუნდობლად გაანადგურა აჯანყების მოთავენი — შალვ ერისთავი მოაკვლევინეს მისსავე ძმისწულს, მისი შვილები კი შეიპყრეს და ირანში გააგზავნეს. ირანში სმოხილი ბიძინა, შალვა და ელიზბარ შაჰმა გადასცეს თურქმანთა ტომებს, რომლებმაც ქართველი გმირები სასტიკი წამებით დახოცეს 1662 წლის 18 სექტემბერს - ასო-ასო აჭრეს და შემდეგ თავები მოჰკვეთეს.

ამის შემდეგ ჯალათებმა გადანყვიტეს, ცოცხლად აეჩეხათ წმიდანი: ალესილი მახვილებით ჯერ ხელის თითები მოჰკვეთეს სათითოდ, მერე - ფეხისა; თითების შემდეგ ხელები მოსჭრეს მარჯვამდე და ფეხები - კოჭებამდე; შემდეგ მოჰკვეთეს ორივე მკლავი იდაყვამდე და ორივე წივი მუხლამდე. მოკვეთილ ასოებს მინაზე ათრევდნენ და შეურაცხყოფდნენ. ბოლოს დაჩეხილ ტანზე თავილა დარჩა უვნებელი. ბაგების მოძრაობით ჩანდა, რომ გული ჯერ კიდევ ფეთქავდა და წმიდანი ლოცულობდა. მაშინ ერთმა ჯალათმა მუხი უგმირა და გულიც გაუჩერა, გული, რომელმაც გაუძლო ამდენ ტკივილს. ეს ამბავი 1661 წელს მოხდა.

წმიდა მონაპოვთა გვაგები მთელი დღე ღია ცის ქვეშ ეყარა და მიახლოებს ვერაფერს ბედავდა. ღამით მათ ნათელი დაადგა. ქრისტიანებმა ფარულად დაკრძალეს წმიდანთა ნეშტი. არსებობს გადმოცემა, რომ აჯანყებულთა თავები მოიპარეს კათოლიკე მისონერებმა, როგორც წმიდა რელიკვია.

მრავალი წლის შემდეგ შალვას მეუღლემ, ქეთევანმა და მისმა ძემ, დავითმა სარწმუნო კაცები წარგზავნეს წმიდანთა ნეშტის ჩამოსასვენებლად.

ქართლში ჩამოსვენებულ წმიდა ნაწილებს მრავალი მორწმუნე შეეგება თაყვანისცემითა და ამბორისყოფით. კახეთის მხსნელი გმირები პატივით და დიდებით დაკრძალეს იკორთის მთავრანგელოზის სახელობის ტაძარში. ისინი ქართულმა ეკლესიამ წმინდანებად შერაცხა, ნიკეოზის დღე — 18 სექტემბერი, ახალი სტილით 1 ოქტომბერი.

არსებობს ძველის სვინაქსარული რედაქცია, რომელიც შემდგომში კიდევ შეუმოკლებიათ. შალვა ქსნის ერისთავის შვილიშვილს იესე ერისთავს მათთვის ირის საგალობელი, ნიკოლოზ თბილელსა და ანტონ კათალიკოსს კი იამბიკოები მიუძღვნიათ.

საერთო სახალხო აჯანყების გმირების შესახებ მოგვითხრობს „ქართლის ცხოვრება“, ირანელი შემატყანე მოჰამედ თაჰერი, ქართული ენოგრაფიული მასალები, მხატვრული ლიტერატურის ძეგლები — აკაკი წერეთლის, გრიგოლ ორბელიანის, ვაჟა-ფშაველას ნაწარმოებები.

“ბახტრიონს სხედან თათრები, სიტყვას ამბობენ ძნელსაო: ახმეტას ჩაჭრით ვენახსა, შივ დავასახლებთ ელსაო“.

ირანის პოლიტიკას დოკუმენტურად ასახავს იმჟამინდელი სპარსული ისტორიული საბუთები, რომლებიც ხელნაწერთა ერთ-ერთულ ცენტრსა და სახელმწიფო არქივშია დაცული.

საყოველთაო საფრთხის წინაშე გაერთიანდა მთა და ბარი, გლეხკაცი და ყმა-მამულების პატრონი. საერთო სახალხო აჯანყებას ზაალ არაგვის ერისთავი ჩაუდგა სათავეში, თუმცა აჯანყების დაწყების შემდეგ მას უშუალო მონაწილეობა აღარ მიუღია ბრძოლაში. ყიზილბაშთა წინააღმდეგ ბრძოლის ორგანიზატორები იყვნენ თეიმურაზ I-ის თანამებრძოლი ბიძინა ჩოლოყაშვილი, შალვა და ელიზბარ ქსნის ერისთავები, ხალხური საისტორიო პოეზიის გმირი, მთიელთა ბელადი თუში ზეზვა გაფრინდაული, ხევსური ნადირა ხოშარაული, ფშავი გოგოლაური და სხვები. აჯანყება მართლაც საყოველთაო იყო. კახელებსა და მთიელებს მხარი ქართლმაც დაუჭირა.

ბიძინა კარგად ხედავდა ქართველთა შესაძლებლობებს, მაგრამ, ღვთის ნებას მიწოდების და სამშობლოს გამოსწრაფი აუცილებლობაში დარწმუნებულს, სჯეროდა გამარჯვებისა.

აჯანყებულთა გაერთიანებული ლაშქარი ზაალ არაგვის ერის-



რომელთაგან ნაწილი დაიღუპა, ხოლო დარჩენილებმა გაქცევა სცადეს ალავერდის მიმართულებით. ალვანის ველზე ისინი შეეჩვენენ ალავერდის ციხიდან ბიძინა ჩოლოყაშვილის მიერ გამოდევნილ რაზმებს. ქართველებმა ერთიანად ამოუღიტეს მტერი. ამის შემდეგ აჯანყებულებმა მუხრანის გაავლეს დანარჩენ თურქმანებსაც; ნაწილი გაანადგურეს, ნაწილმა კი გაქცევით უშველა თავს. იმავე დღეს, 1659 წლის ალავერდის დღესასწაულზე მიუღწევნი ალავერდის მყოფ ყიზილბაშებს და ისე გაანადგურეს, რომ არდაღანის სულთანმა სელიმ-ხანმა ძლივს მოასწრო გაქცევა, მიატოვა ცოლ-შვილი და

ს ს ო მ ბ ა

თამაზ მხარეშვილი

10 ოქტომბერს 10 წელი გახდება შენი გარდაცვალებიდან, შვილო. როგორ ნაადრევად ნახვედი ამქვეყნიდან, შვილო თამაზ, როგორ მომიკალი გული ამ მოუშუშებელი ტკივილით. დაგვაკლდი ყველას- შენს მეუღლეს, რომელმაც უმამოდ დარჩენილ შვილებს არაფერი მოაკლო. შენი ბიჭები უკვე ვაჟკაცები არიან- დიმიტრი ეკონომისტი, ხოლო გიორგი- იურიდიული ფაკულტეტის მესამე კურსის სტუდენტი. თავს იმით ვიმშვიდებ, რომ მათში გრძელდება შენი სიცოცხლე, ისინი ხომ შენი ღირსეული შთამომავლები არიან. შვილო თამაზ, შენ ხომ ძალიან კეთილშობილი და კარგი ადამიანი იყავი, კარგი პროფესიონალი, მაგრამ სწორედ შენი პროფესიული მოვალეობის შესრულებას შეენიერე... მამაშენმა ეს ტკივილი ვერ გადაიტანა, შენი სიკვდილიდან სამი წლის შემდეგ გარდაიცვალა... შენი დაც ძალიან გატყდა შენმა ამქვეყნიდან უდროო წასვლამ. ჩემზე აღარაფერს ვამბობ - დედის გულ-დროს ველოდები, როცა ერთმანეთს კვლავ შეხვდებით...
სასუფეველი დაგიმკვიდროს უფალმა, შვილო თამაზ.

ს ს ო მ ბ ა

თამაზ მხარეშვილი

10 ოქტომბერს 10 წელი გახდება შენი გარდაცვალებიდან, შვილო. როგორ ნაადრევად ნახვედი ამქვეყნიდან, შვილო თამაზ, როგორ მომიკალი გული ამ მოუშუშებელი ტკივილით. დაგვაკლდი ყველას- შენს მეუღლეს, რომელმაც უმამოდ დარჩენილ შვილებს არაფერი მოაკლო. შენი ბიჭები უკვე ვაჟკაცები არიან- დიმიტრი ეკონომისტი, ხოლო გიორგი- იურიდიული ფაკულტეტის მესამე კურსის სტუდენტი. თავს იმით ვიმშვიდებ, რომ მათში გრძელდება შენი სიცოცხლე, ისინი ხომ შენი ღირსეული შთამომავლები არიან. შვილო თამაზ, შენ ხომ ძალიან კეთილშობილი და კარგი ადამიანი იყავი, კარგი პროფესიონალი, მაგრამ სწორედ შენი პროფესიული მოვალეობის შესრულებას შეენიერე... მამაშენმა ეს ტკივილი ვერ გადაიტანა, შენი სიკვდილიდან სამი წლის შემდეგ გარდაიცვალა... შენი დაც ძალიან გატყდა შენმა ამქვეყნიდან უდროო წასვლამ. ჩემზე აღარაფერს ვამბობ - დედის გულ-დროს ველოდები, როცა ერთმანეთს კვლავ შეხვდებით...
სასუფეველი დაგიმკვიდროს უფალმა, შვილო თამაზ.

მ ო ნ ა ტ რ ე ზ ა

ტარიელ ჯამასიშვილი

ჩვენო ძვირფასო ტარიელ, მესამედ მოვიდა შენი დაბადების დღე უშენოდ. ძალიან მოსაწყენი გახდა ცხოვრება შენს გარეშე. გულისტკივილით ვხვდებით შენს ყოველ ოუბილეს. შენ ხომ ბავშვით გიხაროდა ყოველი დაბადების დღე, რადგან ბავშვით გულწრფელი და ალალი იყავი. გულისტკივილით გიხსენებ შენი შვილები, მეუღლე, მეგობრები და ნათესავები.

ნათელში იყავ, სანთელ-საკეველი არ მოგაკლდება ჩვენი ხელიდან.

შენი ოჯახი



ჩვენ გვახსოვს მასწავლებლის დღე!



5 ოქტომბერი მასწავლებლის საერთაშორისო დღეა. სამწუხაროა, მაგრამ საქართველოში ეს თარიღი დიდი პომპეზურობით არ აღინიშნება.

გამონაკლისია დედოფლისწყაროს №2 საჯარო სკოლა. უკვე მეორე წელია, სკოლის მოსწავლეები განსაკუთრებულად ულოცავენ ამ თარიღს პედაგოგებს. წელსაც გადაწყვიტეს, სიურპიზი გაეკეთებინათ მათთვის, ამიტომაც 5 ოქტომბერთან დაკავშირებით სკოლაში ჩატარდა ე.წ „დუბლიორის დღე“. ბავშვებმა 1 დღით მასწავლებლები „დაასვენეს“ და ისინი თავად შეცვალეს. საინტერესოა ის ფაქტიც,

რომ მოსწავლეები სრული სერიოზულობით მოეკიდნენ ამ საკითხს და პედაგოგებთან წინასწარი კონსულტაციებიც გაიარეს გაკვეთილების ჩატარებამდე. ყველა ბავშვმა საკუთარი სურვილით აირჩია საგანი, რასაც ასწავლიდა. შეიცვალა დირექტორი და სასწავლო ნაწილის გამგე. ისინი მთელი დღის განმავლობაში ატარებდნენ მონიტორინგს და ამონებდნენ სასწავლო პროცესის მსვლელობას. დღის ბოლოს გაიმართა ე.წ პედსაბჭო, სადაც შეჯამდა დღე. აღმოჩნდა, რომ საკმაოდ წარმატებული ყოფილან მოსწავლეები მასწავლებლის როლში და ბევრმა მათგანმა მომავლის პრო-

ფესიდაც პედაგოგობა აირჩია. ბავშვებმა შთაბეჭდილებები გაუზიარეს თავიანთ „კოლეგებს“ და პედაგოგებსაც. აი, რას ამბობს ერთ-ერთი მათგანი: „მე არც მეგონა, რომ გამოვივიდოდა ეს საქმე. მეუბნოდა კიდევ, მაგრამ როდესაც კლასში შევედი, აბსოლუტური პატივისცემა და სერიოზული მომზადება შევინიშნე ბავშვებში. ნამდვილად ძნელი ყოფილა პედაგოგობა. მხოლოდ ახლა მივხვდი ამას, როცა მათ ადგილას აღმოვჩნდი და მომიწია გაკვეთილის დაგეგმვა, მომზადება, დროის გათვლა, დისციპლინის დაცვა და რაც მთავარია- ჩემი ცოდნის ბავშვებისთვის გადაცემა. ეს ყოველივე საოცარ ძალისხმევას მოითხოვს, მაგრამ ერთ რამეს მივხვდი და მინდა ეს თქვენც გაგიზიაროთ: მთავარია, დიდი სიყვარული დავანახოთ მოსწავლეებს, ვეცადოთ კეთილად მოვექცეთ და მამინ ყველაფერი დალაგდება. ამას გთხოვთ ყველას!“ დუბლიორებს მადლობა გადაუხადა სკოლის დირექტორმაც, ქალბატონმა იალაპიაშვილმა: „უღრმესი მადლობა თქვენ ყველას დღევანდელი დღისთვის, იმისთვის, რომ ეს მივინყებულე თარიღი გაგიცოცხლეთ. უდიდესი მადლობა იმ ძალისხმევებისთვის, რისი გარეგანი მოვინათ იმისთვის, რომ წარმატებულად ჩატარებულიყო ყველაფერი! რა შეგვიძლია ჩვენ, თქვენს პედაგოგებს? ვე-

რაფერს დაგპირდებით, გარდაწარფელი სიყვარულითა. მე პირადად, როგორც თქვენი დირექტორი, გპირდებით, რომ ჩემს აქ ყოფნამდე სიყვარული და სითბო არ მოგაკლდებათ! თქვენ ხართ ჩვენი მაცოცხლებელი ძალა! თქვენს გარეშე აქ ყოფნა არაფერია. გმადლობთ, რომ ასეთი კარგები ხართ!“ ამის შემდეგ გაიმართა პოეზიის საღამო. ლექსები წაიკითხეს სკოლის მოსწავლეებმა: თორღვა ნაროზაულმა, ქეთევან შანშიაშვილმა, ირაკლი ხოსროშვილმა, ლიკა ლოლაშვილმა, ლაშა ლათიბაშვილმა... უღამაზესი სიმღერები შეასრულეს დემა ლოლაშვილებმა: ანამ, მარიამმა და ლიკამ. საღამოს კულმინაცია იყო ტორტი, რომელიც მასწავლებლებს სიმღერის ფონზე მიართვეს ბავშვებმა. როგორც ყოველთვის, სიყვარულია და სიკეთის ზეიმი იყო ამ დღეს მეორე საჯარო სკოლაში.

დიდი წარმატებით ხორციელდება მსგავსი ღონისძიებები, მან კი თავის მხრივ, ბავშვების მონდომებასა და მზადყოფნას გაუსვა ხაზი. საბოლოო ჯამში, დღე საოცრად დატვირთული გამოვიდა ღონისძიებებითა და სიურპრიზებით. ტრადიცია აღება კიდევ და კიდევ გაგრძელდება. მეორე საჯარო სკოლა მოუწოდებს სხვა სკოლებსაც, შეუერთდნენ მათ, გამოხატონ პატივისცემა და სიყვარული თავიანთი პედაგოგებისადმი მსგავსი ფორმით, რათა ყველამ ყოველთვის შევძლოთ ამაყად წარმოვთქვათ სიტყვები: „ჩვენ გვახსოვს მასწავლებლის დღე!“

მეორე საჯარო სკოლა სარგებლობს შემთხვევით და ყველა პედაგოგს ულოცავს მასწავლებლის დღეს. დღევანდლობასა და სიყვარულს უსურვებს მათ.

სოფიო მინთაშვილი



ყველას რაიმე აქვს სახსოვარი

რეკორდები - რჩეულთ, ჯანმრთელობა - ყველას! ეს ახალგაზრდა კაცი, რომელსაც სურათზე ხედავთ და რომელსაც ამკარად ეტყობა რომ სპორტსმენია, დომენტი ბესოს ძე ყოჩიაშვილია. ჯანსაღი ცხოვრების წესი და დევიზი „რეკორდები - რჩეულთ, ჯანმრთელობა - ყველას!“ მას ბავშვობიდან მოსდევს. ჯერ ვარჯიშობდა ჭიდაობასა და მძლეოსნობაში. იყო საქართველოს ნაკრების წევრი, მონაწილეობდა მოსწავლეთა და სტუდენტთა რესპუბლიკურ ოლიმპიადებში.


მისი სერიოზული გატაცება კი ბოლოს სპორტის ერთი გამორჩეული სახეობა - შუბის ტყორცნა გახდა და ყველაზე დიდ წარმატებასაც აქ მიაღწია: სწორედ სპორტის ამ რთულ სახეობაში გახდა იგი საბჭოთა კავშირის ჩემპიონი. ის ხშირად მონაწილეობდა საკავშირო ოლიმპიურ შეხვედრებზე. არის მრავალი ჯილდოს, დიპლომისა და სიგელის მფლობელი. დომენტი ყოჩიაშვილს გასული საუკუნის ოთხმოცდამეხუთე წლების ჩათვლით შუბი ხელიდან არ გაუგდია და თავისი რეკორდებიც არ დაუგდია. მისი მწვრთნელები იყვნენ იმ დროისთვის ცნობილი შუბოსნები ვიქტორ დოვინი - საბჭოთა კავშირის დამსახურებული მწვრთნელი და ნოე ლობჯანიძე - საქართველოს დამსახურებული მწვრთნელი.

ჯანსაღი ცხოვრების ნორმები მისი ყოველდღიურობაა. სწორედ ამიტომაც, იგი დღესაც მხნედ და ენერგიულად გამოიყურება. კვლავ ვარჯიშობს, ჯანმრთელობას იკაჟებს და კარგ მაგალითს აძლევს მომავალ თაობას.

დომენტი ყოჩიაშვილი სოფელ მირზანში ცხოვრობს. ჰყავს კარგი ოჯახი და მეუღლესთან დალი ფიროსმანაშვილთან ერთად შეიღებესა და შეილიშვილებში ხარობს.

მას სულ ახლახანს 70 წელი შეუსრულდა. ეს სურათი კი მისი სპორტული კარიერის გაზაფხულზეა გადაღებული და მისი ბიოგრაფიის სამასხვორო მომენტს ასახავს.

დედოფლისწყაროს სპორტსმენთა და სპორტის გულშემატკივართა სახელით ვულოცავთ დომენტს ყოჩიაშვილს ამ საიუბილეო თარიღს. კვლავაც მხნეობას, დიდხანს სიცოცხლეს და თავის ოჯახთან ერთად გახარებას ვუსურვებთ.




ნაირა გორაშვილი

ტესტი - რამდენად ძლიერია თქვენი სიყვარული?

ტესტი შეუძლიათ შეავსონ როგორც მამაკაცებმა, ასევე ქალბატონებმა. უპასუხეთ შეკითხვებს, გაარკვიეთ თქვენი დამოკიდებულება პარტნიორის მიმართ. შეგიძლიათ ლოგიკური ანალიზით უპასუხოთ თქვენი პარტნიორის მავიჯარადაც. ასე მიიღებთ პასუხს კითხვაზე, გიყვართ თუ არა თქვენ ის და უყვარხართ თუ არა მას თქვენ. შეკითხვებს უპასუხეთ გულწრფელად და მხოლოდ „კი“ ან „არა“.

1. ეს ქალი (მამაკაცი) ცხოვრებას მირჩევნია.
2. როცა შორს ვარ მისგან, ძალიან მენატრება.
3. როცა წარმატებას ვაღწევ, პირველ რიგში, მას მინდა ამის შესახებ ვახარო.
4. მასთან სექსუალური კავშირი სიამოვნებას მანიჭებს.
5. როცა ის ცუდად არის, მეც ცუდად ვარ.
6. ძალიან არ მინდა, რომ მას ცხოვრებაში რაიმე გაუჭირდეს.
7. მასში არაფერია ისეთი, რაც გამაღიზიანებდა.
8. უცებ რომ დიდი ფული ვიპოვო, ყველაფერს მხოლოდ ჩვენ ორზე დავხარჯავდი.
9. ღმერთს ვებენები, რომ ჯანმრთელი და ბედნიერი იყოს.
10. მის უარყოფით მხარეებს სიმშვიდით აღვიქვამ და საერთოდ არ მაღიზიანებს.
11. მის გამო ნებისმიერ მსხვერპლზე წავალ.
12. ხანდახან ვფიქრობ ხოლმე, რომ ჩვენ სიყვარული კი არა, ურთიერთპატივისცემა გვაერთიანებს.
13. ხშირად მაქვს იმის შეგრძნება, რომ არ არსებობს ამ ქვეყნად ძალიან, რომელიც ჩვენ დავგაპოვებდა.
14. ვიცი, რომ მასაც ვუყვარვარ.
15. ხელახლა რომ მქონოდა გათხოვების (ცოლის მოყვანის) საშუალება, არჩევანს კვლავ მასზე შევჩერებდი.



შეჯამებ პასუხები

თუ შეკითხვების უმეტესობას უპასუხეთ „კი“, შეგიძლიათ ჩათვალოთ, რომ თქვენ პარტნიორი გიყვართ და მასაც უყვარხართ. 1-2 კითხვაზე გაცემულმა უარყოფითმა პასუხმა არ შეგაშფოთოთ. თუ 8 ან მეტ შეკითხვაზე უარყოფითი პასუხი გაცემთ, დიაგნოზი ამკარაა - „სიყვარული აქ აღარ ცხოვრობს“.

უპრადღება!

ქალაქ დედოფლისწყაროში, ბარათაშვილის ქ. N10-ში კაფე-რესტორან „ნიკას“ ესაჭიროება მიმტანი და ჭურჭლის მრეცხავი. პირობების გაგება შეგიძლიათ ადგილზეც და აგრეთვე შეგიძლიათ დარეკოთ ტელეფონზე:

☎ 599 73 15 95

ამინდი		დედოფლისწყარო	
ორშაბათი 07.10	სამშაბათი 08.10	ოთხშაბათი 09.10	ხუთშაბათი 10.10
დღე	ღამე	დღე	ღამე
8°	7°	10°	6°
პარასკევი 11.10	შაბათი 12.10	კვირა 13.10	
დღე	ღამე	დღე	ღამე
11°	9°	11°	10°
7°	6°		

გამომცემელი შპს „შირაპი“ დირექტორი ინგა შიოლაშვილი	სარედაქციო კოლეგია: ლალი მხრისაშვილი, ილია მარტყოფლიშვილი (ყურნალისტები); ელზა ხარაშვილი (სტილისტ-მწერელი); ნათელა გოშაშვილი (ბუღალტერი); ნინო ჯანაშვილი (ფოტო-მწერელი); მზინა ქანდაძე (დისტრიბუტორი); ზურაბ ბუნაშვილი (კომპიუტერული უზრუნველყოფა).	რედაქციის მისამართი: ქალაქი დედოფლისწყარო, ფიროსმანის №18, ტელ. 0 356 22 55-49; 598 72-18-72 (დირექტორი) 551 25-17-44 (რედაქტორი)	რეგისტრირებულია დედოფლისწყაროს რაიონის სასამართლოს მიერ, №6014-468.
---	---	--	--